

玉海



040  
1000:80  
34888

玉海目錄

浚儀王應麟伯厚甫

第一卷

天文

天文圖

第二卷

天文

天文書

第三卷

天文

天文書

第四卷

天文

儀象

第五卷

天文

圭景

第六卷

律歷

律呂

第七卷

律歷

羊口

第八卷

律歷

度

量衡

第九卷

律歷

歷法

第十卷

律歷

律法

第十一卷

律歷

漏刻

第十二卷

律歷

時令

迎氣

讀時令

第十三卷

律歷

改元

第十四卷

地理

地理圖

第十五卷

地理

地理書

第十六卷

地理

異域圖書

京輔

第十七卷

地理

郡國

第十八卷

地理

郡國

第十九卷

地理

州鎮

第二十卷

地理

山川

戶口

縣

第二十一卷

地理

河渠

第二十二卷

地理

河渠

第二十三卷

地理



第二十四卷

地理

泉井

道涂

關塞

第二十五卷

地理

標界

議邊

第二十六卷

帝學

帝學 講經史附

第二十七卷

帝學

經筵燕賜

觀書

觀御製御書

第二十八卷

聖文

御集

雜御製

第二十九卷

聖文

御製詩歌

第三十卷

聖文

御製詩

第三十一卷

聖文

御製賦

御製碑銘

御製論

第三十二卷

聖文

御製箴贊頌

御製記序

御製諭述

第三十三卷

聖文

御書

第三十四卷

聖文

御書

第三十五卷

藝文

易

第三十六卷

藝文

易

擬易

第三十七卷

藝文

書

第三十八卷

藝文

詩

第三十九卷

藝文

三禮

第四十卷

藝文

春秋

第四十一卷

藝文

續春秋

論語孝經

第四十二卷

藝文

經解

第四十三卷

藝文

經解

總六經

備正五經

第四十四卷

藝文

小學

第四十五卷

藝文

小學

第四十六卷

藝文

古史

正史

第四十七卷

藝文

雜史

編年

第四十八卷

藝文

實錄

記注

第四十九卷

藝文

政要寶訓

聖政附

論史

第五十卷



藝文

譜牒

第五十一卷

藝文

玉牒圖譜

典故

會要

第五十二卷

藝文

書目

第五十三卷

藝文

第五十四卷

藝文

總集文章

承詔撰述

第五十五卷

藝文

類書

著書 別集

賜書

第五十六卷

藝文

圖

第五十七卷

藝文

圖繪名臣

記

志

第五十八卷

藝文

傳

錄

第五十九卷

藝文

詩歌

賦

箴

第六十卷

藝文

銘

第六十一卷

藝文

奏疏

第六十二卷

藝文

論

序

贊

經

第六十三卷

藝文

藝術

第六十四卷

詔令

詔策

第六十五卷

詔令

律令

第六十六卷

詔令

律令

第六十七卷

詔令

赦宥

刑制

第六十八卷

禮儀

禮制

第六十九卷

禮儀

禮制

第七十卷

禮儀

朝儀

第七十一卷

禮儀

元會

第七十二卷

禮儀

冊禮

第七十三卷

禮儀

燕享 鄉飲附

第七十四卷

禮儀

上壽

養老

第七十五卷

禮儀

射

第七十六卷

禮儀



耕

第七十七卷

禮儀

觀稼

務農

親蠶

第七十八卷

車服

車服制度

車輿

第七十九卷

車服

車輿

第八十卷

車服

鹵簿

儀仗

行幸

第八十一卷

車服

冕服

第八十二卷

車服

冕服

冠禮

第八十三卷

卓服

旌旗

第八十四卷

車服

印綬

璽

第八十五卷

器用

符節

第八十六卷

器用

佩帶笏

第八十七卷

器用

圭璧

玉器

第八十八卷

器用

鼎彝

第八十九卷

器用

尊彝

爵

邊豆

第九十卷

器用

賜予器物

欵器

招諫

第九十一卷

器用

屏障

雜器

工材

第九十二卷

郊祀

郊祀

第九十三卷

郊祀

郊祀 恭謝附

第九十四卷

郊祀

郊祀 恭謝附

北郊 后土

第九十五卷

郊祀

明堂 三雍

第九十六卷

郊祀

第九十七卷

郊祀

宗廟 禘祫

絜饗

第九十八卷

郊祀

封禪

第九十九卷

郊祀

社稷

祀日月

星祠

蜡祭

禘祀

第一百卷

郊祀

祠宮

觀

第一百一卷

郊祀

祠壇

第一百二卷

郊祀

羣祀



第一百三卷

音樂

樂

樂書

燕樂

第一百四卷

音樂

樂

第一百五卷

音樂

樂

第一百六卷

音樂

樂章 御製樂章

第一百七卷

音樂

樂舞

第一百八卷

音樂

夷樂

第一百九卷

音樂

樂器

第一百十卷

音樂

雜樂器

第一百十一卷

學校

學校 辟雍

第一百十二卷

學校

學校

第一百十三卷

學校

視學

釋奠

第一百十四卷

選舉

科舉

第一百十五卷

選舉

科舉

第一百十六卷

選舉

科舉

第一百十七卷

選舉

銓舉

第一百十八卷

選舉

考課

第一百十九卷

官制

官名

第一百二十卷

官制

三公宰相

第一百二十一卷

官制

臺省

第一百二十二卷

官制

六卿

第一百二十三卷

官制

九卿 屬官

第一百二十四卷

官制

九卿 屬官

寺監

第一百二十五卷

官制

古官名

第一百二十六卷

官制

漢官名拾遺

第一百二十七卷

官制

官數

官品

省官

第一百二十八卷

官制

諸官

第一百二十九卷

官制



儲官 訓進東官

第三百三十卷

官制

宗戚

訓皇族

宗官

第三百三十一卷

官制

諸侯官制

牧守

戍吏

第三百三十二卷

官制

使

第一百三十三卷

官制

屬國 都護 都督

第一百三十四卷

官制

人物 封爵

第一百三十五卷

官制

褒功 紹封 祿秩

第一百三十六卷

兵制

兵制 民兵

第一百三十七卷

兵制

兵制

第一百三十八卷

兵制

兵制

第一百三十九卷

兵制

兵制

第一百四十卷

兵制

兵法

第一百四十一卷

兵制

兵法

第一百四十二卷

兵制

陣法

第一百四十三卷

兵制

陣法

第一百四十四卷

兵制

講武

第一百四十五卷

兵制

田獵

第一百四十六卷

兵制

車戰

第一百四十七卷

兵制

水戰

第一百四十八卷

兵制

馬政

第一百四十九卷

兵制

馬政

第一百五十卷

兵制

弓矢

第一百五十一卷

兵制

劍戟

雜兵器

鎧甲

第一百五十二卷

朝貢

外夷來朝

內附

第一百五十三卷

朝貢

外夷來朝

第一百五十四卷

朝貢

獻方物

錫予外夷

宴享

第一百五十五卷

宮室

宮

第一百五十六卷



宮室

宮

第一百五十七卷

宮室

宮

第一百五十八卷

宮室

宮

第一百五十九卷

宮室

殿  
第一百六十卷

宮室

殿

第一百六十一卷

宮室

堂

第一百六十二卷

宮室

庭

臺  
臺  
臺

第一百六十三卷

宮室

閣

第一百六十四卷

宮室

樓

第一百六十五卷

宮室

館

第一百六十六卷

堂

觀

第一百六十七卷

宮室

府

院

第一百六十八卷

宮室

院

第一百六十九卷

宮室

門闕

第一百七十卷

宮室

門闕

第一百七十一卷

宮室

苑囿

池沼

第一百七十二卷

宮室

橋梁

邸驛

第一百七十三卷

宮室

城

邊城

第一百七十四卷

宮室

城

邊城

第一百七十五卷

宮室

亭

齋

宅

宮室制度

三卷目錄  
三  
九十二

第一百七十六卷

食貨

田制

第一百七十七卷

食貨

屯田

第一百七十八卷

食貨

職田

農官

農書

農器

第一百七十九卷

食貨

貢賦

第一百八十卷

食貨

錢幣

第一百八十一卷

食貨

鹽鐵

茶法

第一百八十二卷



食貨

漕運

第一百八十三卷

食貨

府庫

第一百八十四卷

食貨

倉庾

第一百八十五卷

食貨

會計

第一百八十六卷

食貨

理財

第一百八十七卷

兵捷

檄書

第一百八十八卷

兵捷

檄書

第一百八十九卷

兵捷

兵捷

露布

第一百九十卷

兵捷

兵捷

露布

第一百九十一卷

兵捷

兵捷

露布

第一百九十二卷

兵捷

兵捷 露布

第一百九十三卷

兵捷

兵捷 露布

第一百九十四卷

兵捷

獻功

紀功 碑銘附

第一百九十五卷

祥瑞

天瑞

第一百九十六卷

祥瑞

地瑞

第一百九十七卷

祥瑞

植物

第一百九十八卷

祥瑞

動物

第一百九十九卷

祥瑞

動物

第二百卷

祥瑞

總瑞 瑞圖

第二百一卷

辭學指南

編題

作文法

誦書

編文

第二百二卷

辭學指南

制

誥

詔

第一百一卷

辭學指南

表

檄

露布

第一百四卷

辭學指南

箴

銘

記

贊

頌

序

試卷式

題名

宏辭所業

詩攷

第一卷

韓詩

詩地理攷

第一卷之六卷

漢藝文志攷

第一卷之十卷

通鑑地理通釋



第一卷

歷代州域總叙上

第二卷

歷代州域總叙中

第三卷

歷代州域總叙下

第四卷

歷代都邑攷

第五卷

十道山川攷

第六卷

周形勢攷

第七卷

名臣議論攷

第八卷

七國形勢攷上

第九卷

七國形勢攷中

第十卷

七國形勢攷下

第十一卷

三國形勢攷上

第十二卷

三國形勢攷下

第十三卷

晉宋齊梁陳形勢攷

第十四卷

河南四鎮攷

東齊魏周齊相攻地名攷

唐三州七關十一州攷

石晉十六州攷

王會

第一卷

漢制攷

第一卷

周禮

第二卷

周禮

第三卷

儀禮

禮記

第四卷

詩

書

論語

孟子

國語

公羊春秋

說文

踐作篇

第一卷

大戴禮

急就篇

第一卷之四卷

小學紺珠

第一卷

天道

第二卷

地理

第三卷

人倫

第四卷

藝文

第五卷

歷代

聖賢

名臣上

第六卷

名臣下  
名士

第七卷

氏族

第八卷

職官

第九卷

制度

第十卷

器用

儆戒  
動植

姓氏急就篇

卷上之下

六經天文篇

卷上之下

周易鄭康成注

第一卷

通鑑荅問

第一卷

周威烈王

安王

烈王

顯王

慎靚王

第二卷

赧王

秦昭襄王

莊襄王

始皇



二世

第三卷

漢高帝

惠帝

高后

文帝

第四卷

漢景帝

武帝

第五卷

昭帝

宣帝

元帝

玉海目錄

玉海卷第一百五十五

浚儀王應麟伯厚甫

宮室

宮

白虎通謂黃帝作宮室世本謂禹作宮室爾雅謂  
宮穹也屋見垣上穹穹然古者貴賤所居皆得稱  
宮至秦漢以下乃定爲至尊所居之稱

黃帝合宮

東京賦黃帝合宮注尸子曰欲觀黃帝之行於合宮

文中子問易篇黃帝有合宮之聽

初學記云見管子

穆

天子傳吉日辛酉天子升於崐崙之丘觀黃帝之宮  
選注引之

### 五帝法官

晁錯傳五帝神聖處于法官之中明堂之上動靜上  
配天下順地中得人注如淳曰法官路寢正殿也

### 堯成陽宮室

漢地理志昔堯作游成陽注如淳曰成陽在定陶師  
古曰作游者言爲官室游止之處

六韜帝堯王天下宮垣屋室不堊薨楠椽楹不斷茅  
茨徧庭不剪 楊雄曰木摩而不彫牆塗而不畫周

宣所考般庚所遷夏甲宮室唐虞採椽三等之制  
嚴助相貌經堯垂貝殼於摯宮

堯宮 貳宮

世本堯使禹作宮

帝王世紀堯見舜處於貳宮

孟子舜館于貳室

文選曲水詩序接禮貳宮

有虞氏宮

莊子外篇知北遊仲尼曰有虞氏之宮湯武之室

易繫辭宮室取大壯

論語禹甲宮室

湯鑿宮

殷王宮

墨子天命湯於鑿宮

初學記云湯所受命之官

有神來告曰夏德

大亂往攻之予必使汝大戡之

文選注引之

禮冬官匠

人殷人重屋四阿重屋注重屋者王宮正堂若大寢也四阿若今四注屋重屋復竿也疏燕禮云設洗當東霤則此四阿四霤者也明堂位重檐注重承壁材也

周王宮 東宮 西宮 北宮 蒿宮

中興官室

天官官伯

中士二下士四

掌王宮之士庶子凡在版者

官

正

上士二中士四下士八

掌王宮之戒令糾禁以時比宮中之

官府次舍之衆寡爲之版以待夕擊析而比之 官

人中士四下士八掌王之六寢之修注路寢一小寢五疏路

寢制如明堂以聽政

師氏司朝僕臣正位

小宰掌治王宮之

政令凡宮之糾禁乃退以宮刑憲禁于王宮內宰

治主內之政令會內宮之財用憲禁令于王之北宮

注北宮后之六宮闕人掌守王宮之中門之禁

考工記匠人營國方九里旁三門國中九經九緯經

涂九軌左祖右社面朝後市

注王宮所居也

市朝一夫

注方各百

室中度以几堂上度以筵宮中度以尋野度以步

涂度以軌廟門容大廡七个闔門容小廡參个路門

不容乘車之五个應門二徹參个內有九室九嬪居

之外有九室九卿朝焉九分其國以爲九分九卿治之王宮門阿之制五雉官隅之制七雉城隅之制九雉經涂九軌環涂七軌野涂五軌門阿之制以爲都城之制官隅之制以爲諸侯之城制環涂以爲諸侯經涂野涂以爲都經涂 一三禮義宗天子宫方二千二百步三分四爲路寢之前一爲路寢之後五門之間合八百步爲三朝皆方百步故用市朝皆百步路寢以後四百步爲寢室 一大戴禮周時德澤和洽蒿茂大以爲官柱名曰蒿宮此天子之路寢也不齋不居其屋待朝在南宮揖朝出其南門 周書本典解

第五十七維四月既生魄王在東宮名公曰周公

淮南子周公踐東宮注太子宮也一左傳虢公爲王

宮于蚌文公作王宮于踐土一唐韋溫傳周文王

爲太子雞鳴問安西宮漢劉向傳宣王中興更爲

儉宮室小寢廟詩人美之斯干之詩是也一漢五行

志董仲舒以爲西宮小寢夫人之居左氏以爲西宮

公宮也東宮太子所居

### 周六宮 六寢

天宮宮人掌王之六寢之修注路寢一小寢五玉藻

曰朝辨色始入君日出視朝退適路寢聽政使人視



大夫大夫退然後適小寢釋服是路寢以治事小寢

以時燕息焉疏諸侯三寢路寢一燕寢一側室一人

王之正內五人注正內路寢冬官匠人疏案書傳云周人路寢南北七雉東西九雉室居二雉

內宰以陰禮教六宮憲禁令于王之北宮注鄭司農

云六宮後五前一康成謂六宮謂后也婦人稱寢曰

宮后象王立六宮而居之亦正寢一燕寢五教者不

敢斥言之若今稱皇后為中宮矣北宮后之六宮

宮之財用疏云六宮之內內小臣注陰令王所求為於北宮疏言北宮者王六寢在南后六宮在北

春官世婦每宮卿一人下大夫四人中士八人注

后宮官也王后六宮一記昏義古者天子后立六宮

三夫人九嬪二十七世婦八十一御妻以聽內治  
章婦順注天子六寢而六宮在後六宮在前所以承  
副施外內之政也三夫人以下百二十人周制也疏  
六宮在王之六寢之後亦大寢一小寢五九嬪以下  
亦分居之三夫人雖不分居六宮亦分主六宮之事  
或二宮則一人也六卿之官在王六寢之前三孤亦  
分主六宮之職總謂九卿考工記云外有九室九卿  
朝焉公羊傳西宮者何小寢也有西宮則有東宮  
矣注夫臥魯子曰諸侯有三宮何休注天子諸侯皆  
存三寢曰高寢路寢小寢詩正義譜云路寢之當

禁風之正經天子以周南諸侯以召南是天子諸侯  
皆有房中之樂也斯干箋云宗廟及路寢制如明堂  
則天子路寢有五室無左右房矣此路寢之樂謂路  
寢之下小寢之內作之非於正寢作樂也玉藻云云

是路寢以聽政小寢以燕息樂實不在路寢譜云

路寢房中者以小寢是路寢之下室天子小寢如諸

侯之路寢故得有左右房斯干西南其戶箋云天子

言寢也路寢制如明堂曲禮注周禮女御以御

序王之燕寢疏王有六寢一是正寢餘五寢在後東

南北中央各一順四時居之六月居中央通名燕

家邦終於四海故刪詩以后妃為首明堂

正義天子宮內有路寢故應門之內有路門明堂

既無路寢故無路門及以外諸門但有應門耳

蟲飛而會盈日出而視朝朝退而路寢聽政日中而

考政夕而糾虔天刑日入而絜奉染盛后妃御見有

度應門擊柝鼓人上堂女史授環彤管記過頁馬

曰古者宮室有制牆塗而不珉木摩而不刻

公食大夫禮司宮具九與蒲筵注司宮大宰之屬掌

宮廟者也疏燕禮注司官天子曰小宰與此不同彼

是設尊此設几席大宰之下有宮人即此司宮諸侯

兼官司宮兼小宰也

周闕宮 禘宮

周禮大司樂乃奏夷則歌小呂舞大濩以享先妣  
姜嫄也姜嫄履大人跡感神靈而生后稷是周之先  
母也周立廟自后稷為始祖姜嫄無所配是以特立  
廟而祭之謂之闕宮 詩闕宮頌僖公能復周公之  
字也闕宮有佺實實故枚於赫姜嫄其德不回上帝  
是依無災無害彌月不遲是生后稷降之百福注  
云闕閉光妣姜嫄之廟在周常闕而無事孟仲  
是禘宮也佺清靜實實廣大也枚枚礮密也

周鄠宮

左傳昭四年六月丙午楚合諸侯于申椒舉曰康有

鄠宮之朝注鄠在始平鄠縣東有靈臺康王於是朝

諸侯 詩文王有聲箋文王作邑於豐立宮室 豐邑在豐

水之 西 續漢志右扶風鄠縣豐水出 注引左傳 長安志

豐宮文王宮也詩曰既伐于崇作邑于豐宮在雍州

鄠縣東三十五里 括地志元和志同

詩思齊雝雝在宮 穆天子傳天子作居范宮注雝

宮之名 紀年穆王元年築祗宮於南鄭 初學記

鄭宮春官見紀年穆王所居宮 爾雅釋文竹書穆

天子傳西王母來賓昭宮

魯南宮

泮宮

見學校

申公傳漢興高祖過魯申公以弟子從師入見于魯南宮史記正義括地志云泮宮在兗州曲阜縣西南二百里魯城內宮之內鄭云泮之言半也其制半於天子之璧雍

齊雪宮

孟子齊宣王見孟子於雪宮

劉熙曰離宮之名

說苑齊有梧宮

秦祈年宮

漢志右扶風雍秦惠公都之有橐泉官孝公起祈年

官惠公起

史記正義斬年官在岐州城西故城內

械陽官昭王起陳倉

有羽陽官秦武王起好時有梁山官始皇起

史記三十五年

幸梁山官卽此也

虢有虢官秦宣太后起

史記正義三秦

記云霸城秦穆公築爲霸宮漢於此置霸陵縣

史記騶衍如燕昭王築碣石宮身親往師之作主運

劉向別錄云鄒子書有主運篇

後漢志汝南城父有章華臺注杜預

曰章華官在華容縣城內

漢雒陽南宮

後漢見下

高祖紀五年二月甲午卽位西都雒陽五月置酒雒



陽南宮上曰吾所以有天下者能用三傑六年十二

月至雒陽正月壬子上居南宮張良傳云上居雒陽南宮從復道

上見諸將往往耦語用張良計三月置酒南宮封雍

齒七年四月行如雒陽魏畧漢火行忌水故洛去

水而加佳魏於行次為土土水之牡也故變雒為洛

地理志注師古引魚豢曰云云如魚氏說則光武以後改為雒括地志南宮在雒

州雒陽縣東北二十六里洛陽故城中天事記高祖

置酒雒陽南宮注輿地志云秦時已有南北宮更始自洛陽

而西馬奔觸北宮鐵柱門光武幸南宮却非殿則自

高帝迄于王莽洛陽南北宮武庫皆未嘗廢車千秋子為雒陽武

庫令趙涉勸周亞夫抵雒陽直入武庫蓋秦雖都關中猶放周東都之

制建宮闕於雒陽

漢長樂宮 長信宮 又見下 朝儀 屯衛

紀高祖五年五月車駕西都長安後九月徙諸侯子

關中治長樂宮 史記七年二月宮成丞相已下徙治長安十年十月淮南梁燕荆楚齊長

沙王皆來朝長樂宮正義長惠帝四年長樂宮鴻臺

災宣帝即位元平元年十一月壬子皇太后歸長樂

宮初置屯衛 呂后紀有長樂衛尉元康四年三月神爵集長樂

未央北宮高寢甘泉泰畤殿中及上林苑五鳳三年

三月辛丑鸞鳳又集長樂宮東闕中木上 張晏曰門外闕內行

萬曆十六年 監生吳公亮

馬之裏木也

成帝永始四年四月長樂臨華殿災

功臣

**表**陽城延爲少府作長樂宮

**叔孫通傳**

十月漢七

年長樂宮成諸侯羣臣朝因行朝儀惠帝

四年

爲東

朝長樂宮及間往數蹕煩民作復道方築武庫南通

奏事乃詔立原廟

**鄒陽傳**

梁孝王嘗上書願賜容

車之地徑至長樂宮自使梁國士衆築作甬道朝太

后公孫攬見梁王曰能歷西山徑長樂抵未央攘袂

而正議者獨大王耳

**東方朔傳**

武帝微行齋五日

糧會朝長信宮注太后之宮也

漢表有長信少府注曰太后所居官名也

居長信則曰長信少府居長樂則曰長樂少府後漢都洛陽亦有長信宮長樂宮又有長秋宮

**劉**

屈釐傳太子殿四市人至長樂西闕下逢丞相軍合

戰魏相傳高帝所述書天子所服第八曰六謁者

臣章受詔長樂宮令羣臣議王后傳載至長樂宮

謁太后許后五日一朝太后於長樂宮元后傳漢傳國璽藏長樂

宮後鄧太后紀元初五年平望侯劉毅以太后多

德政欲令早有記注乞史官著長樂宮注從之夏

皇后紀宮曰永樂置大僕少府以下皆如長樂宮故

事注漢官儀曰帝祖母稱長信宮帝母稱長樂宮後

曰永樂宮馬廖傳皇太后躬履節儉廖慮美業難

終上疏長樂宮以勸成儉德

黃圖長樂宮本秦之興樂宮也高祖始居櫟陽七年

長樂宮成徙居長安城三輔舊事宮殿䟽皆曰興樂

宮秦始皇造漢脩飾之周回二十餘里前殿東西四

十九丈七尺兩序中二十五丈深十二丈有鴻臺臨

華殿温室殿長信宮長秋永壽永寧等四殿

又曰長樂宮有

椒房殿有鍾室關高帝始居此宮後太后常居之

中記宮中有殿十四有衛尉水經杜門北對長

也孝惠至平帝皆居未央惟高帝居王莽改長樂宮

為長樂室坤元錄漢長樂宮在長安縣北故城中

元和志長樂宮在長安縣西北十五里一作在縣

十四里

**長安志**史記曰始皇二十七年作長信宮又成帝  
母王皇后居長信宮班婕妤好賦求共養於東宮兮託  
長信之末流黃圖曰從路門至周廟門有長信宮在  
其中 **隋志**京兆郡大興有長樂宮 三輔故事漢

徙秦金狄寘長樂大厦殿前 後漢初未央已焚故

更始居長樂朝羣臣長安志長樂有宣德通光高明  
長秋永壽永寧長亭林華溫室建始廣陽中室月室  
神仙椒房大夏殿惠帝自未央朝長樂武帝曰東朝  
廷辨之七國反景帝往來東宮謀於太后則長樂多  
爲母后所居矣水經曰殿西有長信長秋永壽永昌

等殿則長信長秋皆在長樂宮也

長樂者高帝既

以爲居又以受朝無異於正宮矣自惠帝後人主皆居未央而長樂常奉母后唐亦有長樂宮韋雲起迎謁高祖于長樂宮然非太后之居

未央在漢城西隅而長樂乃東隅也秦樛里子百年前已言之李吉甫元和志言兩宮相去止隔一里此一里所卽武庫

漢未央宮

前殿

東北闕

東西宮

紀高祖七年

史記八年

上擊韓王信還二月至長安蕭何

治未央宮立東闕北闕前殿武庫太倉上見其壯麗

甚怒曰天下匈匈勞苦數歲成敗未可知奈何治官室過度也何曰天下方未定故可因以就官室且天子以四海爲家非令壯麗亡以重威且亡令後世有以加也上說自櫟陽徙都長安九年冬十月淮南梁趙楚王朝未央官置酒前殿上奉玉卮爲太上皇壽羣臣皆稱萬歲大笑爲樂惠帝四年七月未央官凌室織室災呂后八年朱虛侯從勃請卒千人入未央官掖門注非正門而在兩旁文帝卽位夕入未央官還坐前殿

七年六月未央官東闕梁恩災景帝中五年八月未

央官東闕災

五行志武帝太初元年十一月未央官榭梁臺災

昭帝元鳳二



年四月上自建章宮徒未央宮大置酒宣帝入未央  
官見皇太后羣臣奏上璽綬卽位元康元年三月詔

曰甘露降未央宮四年三月詔曰神爵集未央郊祀志甘露元

年夏建章未央長樂宮鍾簾銅人生毛時以爲美祥又因方士言爲隨侯劍寶玉寶璧周康寶鼎

立四祠於未央宮中成帝建始元年六月未央官殿中朝者坐

注服虔曰公卿以下朝會坐也晉灼曰內朝臣之朝坐三年秋關內大水虜上

小女走入橫城門闌入尚方掖門至未央官鈎盾中

王商傳建始三年秋京師民無故相驚言大水至天子親御前殿名公卿議十二月地震

未央官永始四年四月未央官東司馬門災五行志未央官

帝所居也功臣表陽城延爲少府作未央官列傳翼

奉 上 疏 曰 孝 文 時 未 有 甘 泉 建 章 及 上 林 中 諸 離 宮 館 也 未 央 宮 又 無 高 門 武 臺 麟 鳳 皇 白 虎 華 之 殿 獨 有 前 殿 曲 臺 宣 室 溫 室 承 明 耳

為 未 央 衛 尉 程 不 識 時 亦 為 長 樂 衛 尉 灌 大 丞 相

蚡 謂 曰 程 李 俱 東 西 宮 衛 尉 注 孟 康 曰 李 廣 為 東 宮

程 不 識 為 西 宮 范 明 友 鄧 廣 漢 東 西 宮 衛 尉 衛

太 子 使 舍 人 持 節 夜 入 未 央 宮 殿 長 秋 門 發 長 樂 宮

衛 霍 光 召 丞 相 御 史 將 軍 列 侯 中 二 千 石 大 夫 博

士 會 議 未 央 宮 趙 充 國 以 功 德 與 霍 光 等 列 畫 未

央 宮 中 王 商 為 丞 相 河 平 四 年 單 于 見 白 虎 殿 丞

相坐未央廷中。單于拜謁。朱博為丞相。趙元為御

史大夫。並拜於前殿。延登受冊。傳昭儀傳。哀帝即

位。王太后詔令傳太后丁姬。十日一至未央宮。傳北

宮有紫房。復道通未央宮。傳太后果從。復道朝夕至。帝所。孝平后傳。便時上林

延壽門入未央宮前殿。羣臣就位行禮。後紀順帝

永和二年十月庚子。幸未央宮。會三輔郡守都尉及

官屬勞賜作樂。

西京雜記。漢高帝七年。蕭相國營未央宮。因龍首山

制前殿。建比闕。未央宮周迴二十二里九十五步。五

尺。街道周迴七十里。臺殿四十三。其三十二在外。其

十一在後官池十三山六池一山一亦在後官門閤

凡九十五黃圖未央宮周圍二十八里前殿東西

五十丈深十五丈高三十五丈一云三丈五尺前殿曰路寢

見羣臣諸侯處也管未央宮因龍首山以制前殿潘岳

閔中記曰未央宮殿皆疏龍首山土作之山長六十里秦時有黑龍從南

山出飲渭水其行道因成土山西京賦所謂疏龍首

以抗殿是也至孝武以木蘭爲椽撩文杏爲梁柱金

鋪玉戶華棖壁璫彫楹玉碣重軒鏤檻青瑣丹墀漢官

典職曰丹漆地稱丹墀左城右平有宣室麒麟金華承明武臺

鈎弋等殿又有殿閣三十有二壽成萬歲廣明椒房

清涼永延王堂壽安平就宣德東明飛烈鳳皇通光  
曲臺白虎等殿增城昭陽延平合歡回東宣明長年  
溫室昆德承明等殿玉臺增盤閣麒麟天祿閣金馬  
青瑣門畫堂甲觀非常室按舊圖云王莽改未央官  
曰壽成室前殿曰玉路堂漸臺織室凌室見惠紀皆在  
未央官中注一本宣室溫室清涼在未央殿北宣明  
廣明在未央殿東昆德玉堂在未央殿西其中又有  
麒麟金華承明殿石渠天祿麒麟閣金馬青瑣門元  
武蒼龍二閣畫堂朱省堂甲觀非常室又宣室閣見甘露四年鈞  
盾中見建始三年水經注渭水逕長安城北又東合昆明

故渠故渠東逕未央宮北蕭何斬龍首山而營之山  
長六十餘里頭於渭尾達樊川頭高二十丈尾漸下  
高五六丈土色赤而堅比有元武闕即北闕也東有  
倉龍闕闕內有闔闔止車諸門未央殿東有宣室玉  
堂麒麟含章白虎鳳凰朱雀鸞鷲昭陽諸殿天祿石  
渠麒麟三閣未央宮北即桂宮也周十餘里內有先  
明殿走狗臺柏梁臺舊乘復道用相逕通故渠出二  
宮之間謂之明渠明渠又東歷武庫北舊樗里子葬  
於此漢長樂宮在其東未央宮在其西武庫直其墓  
明渠又東逕漢長樂宮北本秦之長樂宮也周二十

皇殿前列銅人殿西有長信長秋永壽永昌諸殿

詩正義未央者前限未到之辭故漢有未央宮古詩

有樂未央史記正義地志云未央宮在雍州長

安縣西北十里長安故城中元和志同史大事記

高九年未央宮成置酒前殿太上皇輦上坐八年詔

亭於說文序孝平時召爰禮等百餘人令說文字

未央廷中夏侯勝傳宣帝初議

闕門觀也劉熙釋名云闕在門兩旁中央闕然為道

也門闕天子號令賞罰刑從出也

東闕長安志漢書曰高祖七年蕭何立文帝七

年六月未央宮東闕杲恩災師古曰杲恩為連闕  
曲閣也。以覆重刻垣墉之處其形杲恩然。一曰屏  
也。杲音浮

北闕 長安志漢書顏師古曰未央殿雖南嚮而  
上書奏事謁見之徒詣北闕公車司馬亦在北焉  
是則以北闕為正門而又有東門東闕至於西南  
兩面無門闕矣蓋蕭何立宮以厭勝之術

關中記曰未央宮東有蒼龍闕北有元武闕所謂北  
闕也闕中有閶闔門止車門廟記曰未央宮有白虎  
闕屬車闕 西都賦其宮室也體象天地經緯陰陽



據坤靈之正位倣太紫之圓方

法七畧曰明堂之制內有太室象紫微南

出明堂象太微

植中天之華闕豐冠山之朱堂因瓌材而究

竒抗應龍之虹梁彫玉瑱以居楹裁金瑩以飾璫林

賦曰華

攘壁璫左城右平重軒三階闈房周通門闥洞開列

鍾簾於中庭立金人於端闈徇以離宮別寢承以崇

臺間館煥若列宿紫微是環清涼宣溫神仙長年金

華玉堂白虎麒麟區宇若茲不可殫論增盤崔嵬登

降炤爛殊形詭制每各異觀

**西京賦**覽秦制跨周

法正紫微於未央

注辛氏三秦記曰未央宮一名紫微宮

表曉闕於閭

闔

注閭闔紫微宮門名

三

疏龍首以抗殿狀巍峩

以岌業亘雄虹之長梁結勢椽以相接飾華椽與壁

一 流景曜之鞞擘雕楹王碣繡栢雲檐三階重軒鏤

檻文椀右平左城青瑣丹墀重門襲固姦宄是防仰

福帝居陽耀陰藏洪鍾萬鈞猛虞趙趙朝堂承東溫

調延北西有玉臺聯以昆德長年神仙宣室玉堂麒

麟朱鳥龍興舍章衆星環極赫戲輝煌正殿路寢用朝

羣辟大夏耽耽九戶開闢

注九室室有一戶

高門有闕列坐

金狄

三輔故事大夏殿始皇造銅人十枚在殿前

東京賦高祖因秦官

室作洛之制我則未暇西匠營官目翫阿房損之又  
損然尚過於周堂觀者狹而謂之陋帝已譏其泰而

不康

晉義熙十三年劉裕克關中九月大會文武於未央殿一石虎建武十一年城長安未央宮

漢櫟陽宮

紀高帝二年十一月還歸都櫟陽

地理志左馮翊櫟陽秦獻公自雍徙

六月還櫟陽壬午立太子令諸侯子在關中者皆集

櫟陽爲衛

蕭何傳守關中侍太子治櫟陽

六年三月上歸櫟陽五日

一朝太公五月丙午詔曰子有天下尊歸於父尊太

公曰太上皇七年二月至長安蕭何治未央宮自櫟

陽徙都長安

唐盧懷謹筮高祖受命五日一朝太

公於櫟陽官

漢沛官

高紀十二年冬十月上破鯨布軍於會金

注蕪縣鄉名還

過沛留置酒沛官悉召故人父老子弟佐酒發沛中  
兒得百二十人教之歌酒酣上擊筑自歌起舞愜慨  
傷懷泣數行下謂沛父兄曰游子悲故鄉吾雖都關  
中百歲之後吾魂魄猶思沛其以沛爲朕湯沐邑復  
其民世世無有所與沛父老諸母故人日樂飲極歡  
道故舊爲笑樂十餘日乃去沛中空縣皆之邑西獻  
上留止張飲三日并復豐比沛

禮樂志孝惠時以

沛宮為原廟令歌兒習和以百二十人為員哀帝時

孔光定數員十二人 光武紀幸沛祠高原廟 肅

宗紀章和元年幸梁遣使祠沛高原廟豐枌榆社 與

宗幸武功故宮光武置酒南陽舊宅相類 蓋延傳建武二年延定沛修

高祖廟置嗇夫祝宰樂人 括地志沛官故地在徐

州沛縣東南二十里一步 史記正義十三州志云

漢興四年改泗水為沛郡理相城故以沛為小沛括

地志云泗水亭在徐州沛縣東一百步有高祖廟

周庾信作置酒沛宮贊 柳宗元漢原廟銘曰原廟

沛宮之舊也祀蚩尤於是庭而赤精降導靈命於是

邦而羣雄至登布衣於萬乘而子孫得以纘其緒化  
環堵爲四海而黎元得以安其業基岱岳之高源洪  
河之長蓄靈擁休此焉發跡

或云班周爲碑宗元爲銘

### 漢黃山宮

地理志右扶風槐里有黃山宮孝惠二年起

在澇水入渭之

下渭在官南

黃圖黃山宮在興平縣西三十里

元和志云西南

武帝微行西至黃山宮卽此

見東方朔傳

元后傳太后

秋歷東館望昆明集黃山宮

注在槐里

冬饗飫飛羽

殿在未央

官中羽或作兩

校獵上蘭

觀在上林中

登長平館臨涇水而覽焉

水經渭水東北逕黃山宮南

西京賦上林禁苑

繞黃山而款牛首

漢甘泉宮 竹宮 前殿 紫殿 雲陽

官 林光宮 明庭宮

紀文帝三年五月十年冬幸甘泉

注師古曰甘泉在雲陽本秦林光宮

武帝元鼎四年六月得寶鼎

以禮祠迎至甘泉臧帝

庭合明應

五年十一月辛巳朔旦冬至立泰時于甘

泉天子親郊見朝日夕月

漢儀注郊泰時皇帝平旦出竹宮東向揖日其夕西

向揖月不用春秋也晉禮儀志同黃圖甘泉祠天

漢四年正月朝諸侯王于甘泉宮太始三年三月行

幸甘泉宮饗外國客後元二年正月朝諸侯王于甘

泉宮宣帝元康四年三月神爵集甘泉泰時殿中甘

露三年正月黃龍元年正月行幸甘泉匈奴呼韓邪

單于稽侯徇來朝匈奴傳甘露三年正月朝天子于甘泉言元帝初元三

年六月詔罷甘泉宮衛令就農成帝永始四年正月

幸甘泉郊泰時神光降集紫殿郊祀志兼紀元

三年武帝因齊人少翁拜爲文成將軍言作甘泉宮中爲臺

室畫天地太乙諸鬼神而置祭具以致天神元鼎四

年夏六月得鼎汾陰得寶鼎藏於甘泉宮羣臣皆上壽賀公孫卿曰黃帝

接萬靈明庭明庭者甘泉也五年冬十月幸甘泉具

泰一祠六年冬公孫卿言見仙人迹緱氏城天子幸

萬曆十六年



緱氏元封二年春公孫卿言見神人東萊山天子幸  
緱氏遂至東萊無所見見大人跡云公孫卿曰仙人

可見上往常遽以故不見今陛下爲館如緱氏城置  
脯棗神人宜可致且仙人好樓居於是上令長安作

飛廉桂館甘泉作益壽延壽二館使卿持節設具而

候神人廼作通天臺置祠具其下於是甘泉更置前

殿始廣諸宮室

選法因秦林光宮增  
通天迎風儲霄露寒

夏六月有芝生

甘泉殿房中

史記云防內中

天子爲塞河與通天若有光云

漢舊儀九莖金色  
綠葉朱實夜有光

廼下詔甘泉房中生芝九莖赦天

下太初元年春受計甘泉公孫卿曰黃帝就青靈臺

十二日燒黃帝乃治明庭。明庭者，甘泉也。方士多言

古帝王有都甘泉者。其後天子又朝諸侯甘泉。甘泉

作諸侯邸。宣帝神爵元年正月幸甘泉。郊見泰畤。數

有美祥。修武帝故事。盛車服。齊祠之禮。頗作詩歌。甘

露三年正月上郊泰畤。因朝單于於甘泉宮。黃龍元

年正月復幸甘泉。郊泰畤。又朝單于於甘泉宮。元帝

卽位。遵舊儀。間歲正月一幸甘泉。郊泰畤。成帝建始

元年十一月徙甘泉泰畤於長安南北郊。永始元年

三月復甘泉祠。禮樂志武帝祠大一於甘泉。就乾

位也。

師古曰言在京師之西北

正月上辛用事甘泉園丘昏祠至

明夜有神光集祠壇天子自竹宮望拜

韋昭曰以竹爲宮天子居

中師古曰漢舊儀云竹宮去壇二里

列傳金日磾母詔圖畫於甘泉

宮

又圖畫李夫人於甘泉宮

上幸林光宮注師古曰林光宮秦

二世所造

郊祀志注秦離宮名

漢又於其旁起甘泉宮

括地志秦之林

光宮漢之甘泉在雍州雲陽西北八十里

劉德數言事召見甘泉宮武

帝謂之千里駒

翟力進爲司直從上甘泉行馳道

中旣至甘泉宮會殿中

楊雄孝成帝時方郊祀甘

泉泰時汾陰后土以求繼嗣雄從上甘泉還奏賦以

諷

文選注漢書曰永始四年正月待詔臣雄上漢書無字此

泉之文疑

其辭曰惟漢十世將郊上元定泰時

七畧誤

八云

達遑離宮般以相燿兮封巒石關施靡虘延屬大夏

雲謠波詭摧嶽而成觀翠玉植之青葱兮壁馬犀之

隣璠金人仡仡其承鍾虞兮嵌巖巖其龍鱗配帝居

之縣圃兮象泰壹之威神洪臺掘其獨出兮擻北極

之嶸嶸列宿乃施於上榮兮日月纒經於枅板歷倒

景而絕飛梁兮浮葦蒙而撒天左欂櫨右元冥兮前

燦闕後應門燦赤色覽樛流於高光兮服虔曰高光官名溶方

皇於西清西箱前殿崔巍兮和氏瓏玲炕浮柱之飛椽

兮神莫莫而扶傾乘雲閣而上下兮紛蒙籠以搵成

曳紅采之流離兮颺翠氣之宛延排王戶而颺金鋪

般倕棄其剗鬪兮王爾投其鈎繩珍臺間館琬題王  
英蠅蝟蠖濩之中齊虜陽靈之宮集虜禮神之囿登  
乎頌祇之堂度三巒兮偁棠梨增官嶮差駢差峨兮

云云

甘泉本秦離宮既奢秦武帝復增通天高光迎

風官外近則洪厓旁皇儲胥弩陸遠則石關封巒枝

鵲露寒棠梨師得遊觀屈奇瑰偉

師古曰棠梨宮在甘泉苑垣外師得

宮在櫟陽界其餘皆甘泉苑垣內之宮觀也

其爲已久非成帝所造欲諫

則非時欲默不能已故遂推而隆之乃上比於帝室

紫宮若曰非人力所爲黨鬼神可也又是時趙昭儀

方大幸每上甘泉常法從

王褒甘泉頌甘泉山天

下顯敞之處也

文選注甘泉山各下  
有甘泉水因以名之前接大荆後臨

北極左撫仁鄉右望素域其官室也鏤螭龍而造牖

采雲氣以爲楣神星羅於題鄂虹蜺往往而繞椽想

聖主之優游時娛神而欵縱坐鳳皇之堂聽和鸞之

弄臨麒麟之域驗符瑞之貢詠中和之歌讀太平之頌

本傳元帝爲太子喜褒所爲洞簫及甘泉頌

西京

賦注引

王褒甘泉頌曰編瑋瑁之文槐魏都賦注引

王褒甘泉賦

劉歆賦迴天門而鳳舉躡黃帝之明庭

續志大駕公卿奉引大將軍驂乘屬車八十一乘備

千乘萬騎西都行祠天郊甘泉備之官有其注名曰

甘泉鹵簿

服虔曰大駕八十一乘作三行尚書御史  
乘之最後一乘插豹尾以前皆爲省中

東方朔別傳武帝幸甘泉長平阪朔在屬車中

黃圖甘泉宮一曰雲陽宮史記始皇二十七年作甘

泉宮及前殿築甬道自咸陽屬之

又三十二年爲直道道九原通甘泉

關輔記甘泉宮一曰雲陽宮一曰林光宮本秦造在

今池陽縣西甘泉山宮以山爲名周匝十餘里漢武

建元中增廣之周十九里去長安三百里望見長安

城黃帝以來員丘祭天處開山圖雲陽先王之墟也

武帝造赤闕於南以象方色於甘泉宮更置前殿始

廣造宮室有芝生甘泉殿邊房中漢舊儀九莖金色

絲葉朱實夜有光乃作芝房歌又起紫殿彫文刻鏤

黼黻以玉飾之甘泉有高光宮又有林光宮

黃圖又云林光

宮縱廣各五里在雲陽縣界

有長定宮竹宮通天臺通靈臺武帝

作迎風館

元封二年

後加露寒儲胥二館皆在甘泉中西廂

起彷徨觀築甘泉苑建元中作石關封巒鳩鵲觀於

苑垣內宮南有昆明池苑南有棠梨宮

西都賦冠

以九嶷陪以甘泉乃有靈官起乎其中秦漢之所極

觀淵雲之所頌歎注漢官闕疏曰甘泉林光宮秦二

世造

西京賦覲往昔之遺館獲林光於秦餘

臣贊曰林

光秦離宮名

處甘泉之爽塏乃隆崇而弘敷既新作於迎

風增露寒與儲胥

李善注元封二年增

託喬基於山岡直躡霓



以高居

文景嘗幸甘泉不言有宮恐是林光如故武帝後方增翊一宮耳

元和郡

縣志甘泉宮武帝以五月避暑於此八月乃還

漢傳征和

二年前夏上辟暑甘泉宮

洞冥記武帝起起仙之臺於明庭宮

北明庭者甘泉別名思趙捷仔起通靈臺於甘泉宮

漢甘泉宮記

唐仲友

漢有區夏作都長安封畿之內

宮館環列蓋數十百所天子以時講事變輿行幸各有攸處而文物之盛莫如甘泉蓋自孝文迄於元成嘗於此整軍經武祀神考政行慶賞朝會之禮非止爲清暑也其珍臺間館增飾崇麗極屈奇偉之觀亦宅宮比當時鴻儒碩生若相如枚臯王褒揚雄之儔

從屬車之清塵預觀盛典類能持簡操筆揚厲倖蹟  
故讚功論德則有子淵之頌主文誦諫則有子雲之賦  
辭意旣盛美矣獨未聞登載本未勒諸金石非闕文歟  
謹追述而記之曰璇宮垂象躔次彪列營室之東離  
官辨位玉良之南閣道循軌王者憲天御極肇建宸居  
必有增宮別館以備臨幸夫豈事奢泰以侈遊觀哉  
蓋將隆上都規億載非壯麗亡以重威不軌物何以  
示訓是以夏都冀方啓有鈞臺之饗周宅鎬京康有  
鄴宮之朝考室之制其來尚矣粵茲靈宮奠居乾維  
昔帝鴻氏於此接萬靈祭上帝是謂明庭天嘗假力

于秦以營宮室是謂林光漢曰甘泉蓋因山以更命之也爰自孝文實始巡幸命將撫師克固吾圉稽古禮文我則未暇洎我孝武重熙累洽邁詔共工繕治增益元朔之初則作臺室以畫鬼神元鼎之間則立泰畤以展郊拜延壽通天前殿諸侯王邸又朔於元封太初之際故其繚牆之內宮館相望近則洪厓旁皇儲胥駑佻遠則石關封巒枝鵠露寒鬻光迎風起於中棠梨師得接於外光明神麗迤靡連屬紫宮元圃之居不是過也始元朔迄于後元法駕清蹕相繼戾止蒐講墜典靡不在焉受計者一郊泰畤者三朝

諸侯王者再外國之客饗於是汾陰之鼎藏於是祠  
神君賜宗室東封北巡發軔弭節周旋于茲號令文章  
煥焉可述矣孝宣中興復修故事蓋嘗卽此四拜泰  
一再朝呼韓功烈茂盛增光祖宗降及元成猶遵遺  
業執珪幣以事上帝凡九至焉茲禮樂之所自出德  
業之所由著豈與長楊五柞爲校獵之地蒼陽宣曲  
置更衣之所窮奢極欲以快心目者同日道哉武宣  
之世上天降鑿眷顧與宅靈芝產齋房黃雲覆寶鼎  
路弓獲鹿於中山美光兆祥於秦時神爵五采萬數  
翔集神光並見燭曜齋宮滋至之休著於茲宮者史

不絕書矣成帝之初丞相御史議罷泰時則天出警  
戒風毀作宮暨帝復行薦饗則仍有神光降集紫殿  
得非斯宮之作克厭帝心哉雖然虜祈築而謗興靈  
臺作而民附宮室之建禍福之階也則夫垂衣拱手  
蠅蝸蠖濩之中可不思乎是故飭躬齋精必念夫逆  
釐三神負戾聽斷必念夫施澤四海四夷君長俯伏  
涓橋必思夫威德之所加冠裳玉帛羣后咸在必思夫  
恩禮之所浹神祇降嘏則抑畏自虔天戒垂示則恐懼  
修省夫然故事無過舉方外蒙福官室之奉可安享  
也苟不思政事而樂逸游不修典禮而懷寔安則厥

鑿不遠在秦皇之世。居是宮者甚可畏哉。若乃玉  
馬犀金人鍾虜之屬。子雲已能賦之。至於日磾之毋  
圖於宮中。昭儀之寵麗於法。從衛尉之罷置。郊時之  
因革。皆不係於作宮之旨。班史具在。茲不復書。程  
大昌曰。右以甘泉名宮者三。秦甘泉在渭南。漢甘泉  
在雲陽。磨石嶺上。隋甘泉在鄠縣。長安志曰。磨石嶺  
有甘泉。十道志曰。甘泉出石鼓西原。漢宮在山上。即  
秦林光宮旁。取石鼓甘泉以名。隋宮在鄠縣西南二  
十里。對甘泉谷。鄠即夏之扈。古有甘亭。唐有甘泉鄉。惟秦之甘泉。史嘗  
明言在渭之南。而無言在渭南何地者。始皇紀迎太

后于雍入咸陽復居甘泉宮

括地志秦甘泉宮去長安三百里望見長安

徐廣曰表云咸陽南宮秦時咸陽跨渭南北則此宮

在渭南又曰章臺上林皆在渭南自極廟道通酈山

作甘泉前殿築甬道自咸陽屬之則甘泉前後必近

上林即鄠縣也安知隋宮不襲秦舊邪秦之林光至

漢猶存元封二年始即磨盤嶺山秦宮之側為宮是

為漢甘泉孟康曰甘泉一名林光師古曰漢於林光

旁起宮非一名也文景皆幸甘泉不曰有宮當是秦

林光尚可用也戰國策范雎說秦王曰北有甘泉谷

史記秦地北有固即雲陽縣甘泉山也武帝雖別朔一

甘泉谷口之固

宮

宮而林光如故。帝非特備游觀，信方士明庭之語，求自通於仙，故增之又增。如秦時仙掌露盤，泰壹諸畫象盡在其上。此山距長安已三百里，而望見長安城堞，上有通天臺，雲雨悉在臺下。宮殿臺觀略與建章比，而百官皆有邸舍。帝以五月避暑，八月乃歸。元和志曰：登山必自車箱阪。阪在雲陽西北三十八里，縈紆才通單軌。上阪即平原，宏敞樓觀相屬。黃圖與史不合。如思子宮在湖之渭南也。萬歲宮在汾陰河東也。而圖皆以宮隸甘泉，甘泉自在渭北，非誤邪。

北史後周有雲陽宮

唐志京兆府鄠縣東南三十



里有隋太平宮西南二十二里有隋甘泉宮雲陽有  
甘泉山 **通監**唐太宗正觀二十年八月鐵勒十一  
姓入貢壬申上幸漢故甘泉宮

漢高光宮

見上

漢長楊宮 五柞宮

**地理志**扶風盩厔縣有長楊宮有射熊館秦昭王起

**紀**武帝後元二年二月行幸盩厔五柞宮注有五

柞才因以名宮 武帝往來長楊五柞宮注師古曰

二宮並在盩厔皆以木名之 宣紀 元帝永光五年

宮

冬幸長楊宮射熊館布車騎大獵 成帝元延二

冬幸長楊宮從胡客大校獵宿黃陽宮賜從官 列

傳東方朔武帝微行丞相御史使右輔都尉微循長

楊以東後乃私置更衣從宣曲以南十二所投宿諸

宮長楊五柞倍陽宣曲尤幸朔進諫 云云 司馬相

如嘗從武帝至長楊獵天子好自擊熊豕馳逐埜獸

因上疏諫 楊雄上長楊賦曰振師五柞習馬長楊

張放從上微行出游北至甘泉南至長楊五柞

黃圖長楊宮在盩厔縣東南三十里 元和志三本秦

舊宮漢修飾之以備行幸宮中有垂楊蔭數畝因以

為名門曰射熊秦漢游獵之所長楊榭在長楊官秋

令校獵其下命武士搏射禽獸天子登此以觀焉臺上

有木五柞官漢之離宮也元和志云在豔屋元和志

日榭官中有五柞木因以各中有青梧觀執金吾

南三十八里詔五祚官 永經注渭水北流長楊官西 西都賦歷長

楊之榭 西京賦集乎長楊之宮相羊乎五柞之館

上林禁苑掩長楊而聯五柞注長楊五柞皆宮中五

潘岳西征賦清暑之館五柞之宮交渠引漕激湍

生風乃有昆明池乎其中

漢棧陽宮

文紀後二年夏行幸雍棫陽官注秦昭王所作也

地理志右扶風雍縣棫陽官秦昭王起 郊祀志武

帝征和四年修封泰山是歲雍縣無雲如靄者三或

如虹氣蒼黃若飛鳥集棫陽官南有司以爲美祥

蘇武傳長君武兄爲奉車從至雍棫陽官 黃圖棫

陽官在今岐州扶風縣東北 文選注東觀漢記口

濟陽有武帝行過官

### 漢回中官

匈奴傳孝文十四年騎兵入燒回中官候騎至雍甘

泉注師古曰回中在安定 原其中有官 應劭注同

黃圖秦始皇二十九年巡隴西過回中文帝十四年

匈奴入蕭關燒回中官元封四年冬十月幸雍通回

中道

注見下首山官

遂北出蕭關

天漢二年春行幸東海還

幸回中

又有三良官相近

括地志秦回中官在岐

州雍縣西四十里

一云三十里官在鳳翔

元和志謂官爲秦天興孫西黃圖曰官

在

玉海卷第一百五十六

浚儀王應麟伯厚甫

宮室

宮

漢宜春宮 棠梨宮 宣曲宮

司馬相如傳上林賦麇石闕歷封巒過雉鵲望露寒

江張揖曰此四觀建元中作在雲陽甘泉宮外下棠梨息宜春張揖曰棠梨宮名在雲陽

南三十里一云東南三十里師古曰宜春宮名在杜縣東卽今曲江池是其處也西馳宣曲

濯蠲牛首張揖曰宣曲官名在昆明池西牛首池名在上林苑西頭登龍臺掩細

柳觀相如嘗從上至長楊獵還過宜春宮奏賦以哀

二世行失曰登陂隨之長阪兮全入曾官之嵯峨臨

曲江之隴州兮望南山之參差

張揖曰隴長也苑中有曲江之象中有長

州師古曰臨曲岸之州今謂曲江

史記

正義曲池武帝造周迴五里在宜春苑中

翦菱兮覽竹林之榛榛

東方朔傳建元三年徵行

北至池陽西至黃山南獵長楊東游宜春置更衣從

宣曲以南十二所中休更衣投宿諸官長楊五柞倍

陽宣曲尤幸

師古曰皆官名

楊雄傳棠梨師得

師古曰棠梨宮在甘

泉苑垣外師得

百官表長水校尉掌宣曲胡騎師古

曰宣曲

黃圖宣曲宮在昆明池西孝宣帝曉音律

觀宮

嘗於此度曲因以名官宜春宮本秦之離宮在長安

城東南杜縣東近下杜在鄠者宜春觀

郭璞曰在渭南

棠梨

宮在甘泉苑垣外雲陽南三十里 括地志秦宜春

宮在雍州萬年縣西南三十里宜春苑在宮之東杜  
之南

漢龍淵宮

龍淵劍

武紀元光三年夏五月河決濮陽汜郡十六發卒十  
萬救決河起龍淵宮注孟康曰在西平界其水可用  
淬刀劍持堅利古龍淵之劍取於此水服虔注宮在  
長安西作銅飛龍故以冠名也如淳曰黃圖云有龍  
淵宮今長安城西有其處溝洫志救河決亦起龍淵



官於其傍師古曰黃圖云龍淵廟在茂陵東不言官

也此言救決河而起龍淵官即不在長安西矣又章

帝賜尚書韓稜龍淵劍孟說是劉攽曰非因救河起官黃圖所說是德陽

廟亦云官韓稜傳楚龍淵注晉太康地記云汝南西平

縣有龍淵水可淬刀劍汝南即楚分野史記公孫龍為堅白同異

之辨注同國史志澶州濮陽縣有龍淵官

景紀中四年春三月起德陽官注臣瓚曰景帝廟也

西京故事云景帝廟為德陽

漢宣防官

見河渠 括地志故龍泉官俗名瓠子官在濮州濮

陽縣北十里州西北九十里元光中河決瓠子塞決河之傍龍泉之側因以爲名

漢三雍宮 三宮 見明堂

河間獻王傳獻王修學好古其學舉六藝修禮樂被服儒術山東諸儒多從之游武帝時獻王來朝

元光五年

十獻雅樂對三雍宮及詔策所問三十餘事其對推道術而言得事之中文約指明注三雍宮靈臺辟雍明堂也雍和也言天地君臣人民皆和也 藝文志

儒家河間獻王對上下三雍宮五篇 後桓榮傳丞

平二年三雍初成拜榮爲五更 李躬爲三老 每大射

養老禮畢帝輒引榮及弟子升堂執經自爲下說  
又中元元初建三雍

漢扶荔宮

黃圖在上林苑元鼎六年破南越起扶荔宮以植所  
得奇草異木芻蒲山薑桂龍眼荔枝檳榔橄欖柑橘  
之類 一西京雜記初修上林苑羣臣遠方各獻名果  
異木亦有製爲美名以標奇麗就上林令虞淵得朝  
臣所上草木名二千餘種

宋朝嘉祐中劉敞守長安得林華官行鐙銘蓮勺官  
銅博山爐下槃銘皆漢五鳳中造 金石錄廩丘官

鐙銘。甘露三年造宮。不見于史。

漢首山宮 高靈館

武紀元封四年冬十月。行幸雍通回中道。

孟康曰。回中在內地。

武帝故宮黃圖云。回中宮在泃。

六年冬。行幸回中。春作首山宮。二月。

幸河東祠后土。詔曰。朕禮首山。昆由出珍物。化或爲黃金。祭后土。神光三燭。注應劭曰。首山在上郡。於其下立宮廟也。文穎曰。在河東蒲阪界。師古曰。文說是黃圖。武帝元封元年。封禪後。夢高祖坐明堂。朝羣臣。於是祀高祖於明堂。以配天。作首山宮。以爲高靈館。

漢建章宮 前殿 鳳闕 玉堂 璧門

天梁宮 四殿 漢官室制度圖

**武紀** 太元元年二月起建章宮

注師古曰在未央宮西今長安故城西俗

所稱正女樓即此宮之闕也 太始四年五月還幸建章宮大置酒赦天

下 天漢四年夏征和元年春正月皆行幸史罕書臨幸皆從飛閣越城以出也

**郊祀志**

柏梁災 太初元年十一月乙酉 粵人勇之曰粵俗有火災復起

屋必大用厭勝之於是作建章宮度爲千門萬戶前

殿度高未央其東則鳳闕高二十餘丈其西則商中

商庭也西方之庭 數十里虎圈其北治大池漸臺高二十餘

丈名曰太液池中有蓬萊方丈瀛洲壺梁象海中神

仙龜魚之屬其南有玉堂壁門大鳥之屬立神明臺

井幹樓高五十丈輦道相屬焉東方朔傳陛下以

城申為小園起建章左鳳闕右神明號稱千門萬戶

土木衣錦繡撞萬石之鍾擊雷霆之鼓使民不奢侈

難矣能燔甲乙之帳却走馬示不復用堯舜可比矣

史記東方朔傳建章後閣有騶牙見百官表太初元年置建章營騎

李陵衛青為建章監青給事建章召為建章監侍中紀昭帝始元元年二月

黃鵠下建章宮太液池中公卿上壽元鳳二年四月

上自建章宮徙未央大置酒宣帝元康元年冬置建

章衛尉甘露三年正月匈奴呼韓邪單于來朝置酒

建章宮饗賜單于觀以珍寶元帝初元三年六月罷  
甘泉建章宮衛 **黃圖**建章宮在長安城外於未央

宮西跨城池作飛閣通建章宮駕輦道以上下宮之

正門曰橢闔高二十五丈亦曰壁門左鳳闕高二十

五丈

三輔舊事鳳凰闕武帝造高二十五丈五

右神

明臺門內北起別風闕高五十丈對峙并幹樓高五

十丈連閣皆有罌恩前殿下視未央其西則唐中殿

受萬人有玉堂函德等二十六殿太液池唐中池三

輔舊事建章宮周回三十里又於宮門北造圓闕高

二十五丈上有銅鳳皇

古歌云長安城西有雙闕  
上有雙銅爵即銅鳳皇也

關中記上林苑中有宮十二建章其一也圓闕臨北道括地志建章宮在雍州長安縣西二十里長安故城西元和志同西都賦輦路經營修涂飛閣自

未央而連桂宮北彌明光而且長樂陵登道而趨西

墉混建章而外屬

東都賦建章廿泉節御列仙

設壁門之鳳闕上

觚稜而棲金爵內則別風之嶢嶢眇麗巧之竦擢張千門而立萬戶順陰陽而開闔爾乃正殿崔嵬層建

厥高臨乎未央經駘盪而出馭娑洞杙誦以與天梁

官上

反宇以蓋載激日景而納光

注三輔故事曰建章官有折風闕關中記一名

別風又關中記曰建章官有馭娑駘盪杙誦承光四殿黃圖駘盪官春時景物滿官中也馭娑官馬行



迅疾一日遍官中言官之大也扞請官木名官中美木茂盛也天梁官梁本至於天言官之高也四官皆在建章官又有奇華殿鼓簧官

神明齋其特起遂偃蹇而上躋軼雲

雨於大半虹霓廻帶於芬楣攀井幹而未半目眴轉而意迷步甬道以縈紆又杳窳而不見陽排飛闥而

上出若遊目於天表似無依而洋洋前唐中而後太

液覽滄海之湯湯

注未央官在西長樂在東柱官明光官在北建章官在城西

西京賦柏梁旣災越巫陳方建章是經用厭火祥營

宇之制事兼未央圓闕竦以造天若雙碣之相望鳳

蹇翥於薨標咸逆風而欲翔閭闔之內別風噍噍于

雲霧而上達狀亭亭以蒼蒼神明崛其特起井幹鬱

而百層上飛闥而仰眺正睹瑤光與玉繩駁娑駘盪  
承光反宇業業飛檐轍轍流景內照引曜日月  
之宮實開高闈長廊廣廡途閣雲蔓閉庭詭異

門千戶萬珍臺蹇產以極壯嶝道邈倚以正東似閔  
風之遐坂橫西洫而絕金墉城尉不弛柝而內外潛  
通前開唐中顧臨太液清淵洋洋神山峩峩列瀛州  
與方丈夾蓬萊而駢羅立脩莖之仙掌承雲表之清  
露屑瓊蘂以朝餐必性命之可度

薛琮注圓闕上作鐵鳳凰令張兩翼

舉頭敷尾以函屋上下有轉樞向風如將飛

晉張華傳武帝嘗問漢宮

室制度及建章千門萬戶華畫地成圖左右屬目帝

甚異之。

漢迎年宮

延年宮

望仙宮

郊祀志

太初三年上東巡海上考神仙之屬未有驗

者方士有言黃帝時爲五城十二樓

昆侖元圃五城十二樓仙人所

居以候神人於執期

地名曰迎年

若言上許作之如

其方名曰明年上親禮祀上犢黃馬太始三年東幸

琅邪禮日成山登之杲

地即志東萊腫縣有之杲山祠也

淨大海用

事八神延年

即迎年也

按元封元年四月

漢宮閣

名長安有祈年宮延壽宮漢武故事長安有通天宮

郭子橫洞真記

元封三年起望仙宮

漢明光宮 明光殿省

武紀太初四年秋起明光宮注師古曰黃圖云在城中  
元后傳成都侯商病欲避暑從上借明光宮注  
在城內近桂宮 平紀元始元年六月罷明光宮及

三輔馳道

黃圖明光宮在長樂宮後南與長樂宮

相屬武帝求仙起明光宮發燕趙美女二千人充之

三秦記曰桂宮中有明光殿皆金玉珠璣爲簾箔處

處明王珠晝夜光明明光殿以金爲屝王爲階

一本云此

宮在甘泉宮中

西都賦彌明光而亘長樂注三輔舊事曰

桂宮內有明光殿

西京賦屬長樂與明光徑北通

于桂官注明光殿直北通桂官 漢官儀尚書奏事

於明光殿省中以丹朱采地曰丹墀尚書伏其下奏

事

程氏以此殿爲東都之殿後漢門  
各有建禮門黃門侍郎揖疏受事

程大昌曰漢

有明光宮三一在北宮與長樂相連一在甘泉宮中  
一爲尚書奏事之地

漢桂官 四寶官 北宮

三輔黃圖桂官漢武帝太初四年秋起周回十餘里

一本云周  
匝四十里

在未央宮北

元和志在長安縣北  
十二里長安故城中

漢書桂

官有紫房複道通未央官關輔記桂官通未央宮北

中有明光殿土山複道從官中西上城西至建章宮

神明臺蓬萊山三秦記未央宮漸臺西有桂宮中有  
明光殿皆金玉珠璣爲廉箔綴明月珠金所玉階晝  
夜光明西京雜記武帝爲七寶牀雜寶案寶屏風列  
寶帳設於桂宮時人謂之四寶宮

長安記曰桂宮在未央宮北亦曰北

宮北宮在長安城中近桂宮俱在未央宮北周回十

里高帝時制度草創孝武增修之中有前殿廣五十  
步珠簾玉戶如桂宮漢書曰孝惠孝成皇后廢處北  
宮哀帝皇后居桂宮西都賦輦路經營修塗飛閣  
自未央而連桂宮西京賦鈎陳之外閣道穹窿屬  
長樂與明光徑北通乎桂宮

郊祀志置壽宮北宮

括地志在長安西北十三里

張羽旗設共具

以禮神君神君所言上使受書名曰畫法

策畫之法

東

方朔傳武帝嘗從董偃遊戲北宮馳逐平樂於是上爲竇太主置酒宣室朔時陞戟殿下辟戟而前有詔更置酒北宮引董君從東司馬門入更名東交門

霍光傳

昌邑王駕法駕皮軒鸞旗驅馳北宮桂宮注

師古曰在未央宮北

**宣紀**元康四年三月詔曰神

爵集北宮

**成紀**爲大子居桂宮上嘗急召太子出

龍樓門不敢絕馳道

師古曰黃圖桂宮在成中近北宮非太子宮

建始二

年三月北宮井水溢出

**平紀**孝哀皇后傅氏退居

桂宮注師古曰桂宮在城中非未央宮中 孔光傳  
光議定陶太后宜改築宮何武曰可居北宮上從武  
言北宮有紫房復道通未央宮傳太后果從復道朝  
夕至帝所

漢長信宮

永信宮

中安宮

長秋宮

儲元宮

永樂宮

東宮

東朝

哀紀綏和二年上卽位五月丙戌尊定陶太后丁姬  
各置左右詹事食邑如長信宮中宮

注成帝母王太后居長信宮中

官皇后

建平二年夏四月詔尊恭皇太后曰帝太太

后稱永信宮恭皇后曰帝太后稱中安宮 百官志



詹事屬官有長信詹事掌皇太后宮景帝中六年更名長信少府平帝元始四年更名長樂少府注居長信宮則曰長信居長樂宮則曰長樂  
東方朔傳武帝夜出夕還齋五日糧會朝長信宮注五日一朝長信宮故齋五日糧長信太后之宮也  
霍光傳出入

長信宮殿中通籍長信宮

王嘉傳哀帝爲董賢治

器自貢獻宗廟及三宮由不至此

劉原父曰大皇太后稱長信宮傳太

后永信官丁姬中安宮故稱三宮

王婕妤傳求共養太后長信宮

上許之退處東宮

曰奉共養於東宮託長信之

未流

杜欽傳唯

數御安車由輦道親二宮之

養贍。注：韋昭曰：卯成太后與成帝母。續志：帝祖母。

稱長信宮。故有長信少府。後漢都洛陽亦有長信宮。長樂宮。又有長秋宮。漢

官。儀帝祖母稱長信宮。帝母稱長樂宮。後曰求樂。黃圖云：長樂殿西有長

信宮。長秋殿。又云：后宮在西。秋之象也。秋主信。故以長秋長信為名。水經亦曰：

殿西有長信。長秋等殿。則皆在長樂宮中也。長安志

別出長信等七宮。不以統諸長樂。始傳疑也。

百官表將行。秦官。景帝中六年。更名大長秋。詹事屬

官。有中長秋。注師古曰：秋者。秋成之時。長者。常久之

義。故以為皇后官名。馮昭儀傳為信都太后與王

俱居儲元宮。注師古曰：黃圖在上林苑中。後后紀

馬后永平三年春有司奏立長秋宮注皇后所居宮也長者久也秋者萬物成熟之初也故以名焉 匱后和平元年尊為孝崇皇后宮曰永樂置太僕少府以下皆如長樂宮 董后尊號曰孝仁皇后居南宮 嘉德殿宮稱永樂

叔孫通傳惠帝為東朝長樂宮及間往數蹕煩民作復道方築武庫南 奚益傳上朝東宮趙談驂乘

張湯傳吳楚七國反景帝往來東宮間 田蚡傳武

帝二年御史大夫趙綰請毋奏舉東宮寶太 灌夫

傳東朝廷辯之注如淳曰東朝太后朝也 夏侯勝

傳羣臣奏事東宮太后省政勝用尚書授太監

后傳成帝報曰其孝東宮母闕朔望注東宮太后所

居也

劉向言王氏依東宮之尊

**叙傳**

上朝東宮太后曰班侍中

伯太將軍所舉宜寵異之伯每朝東宮常從

漢後宮八區 後宮十四位 椒房 掖

庭十四級

班婕妤傳

為婕妤居增成舍注應劭曰後宮有八區

增成第三

**黃圖**武帝時後宮八區有昭陽飛翔增

成合歡蘭林披香鳳皇鴛鴦等殿

**西都賦**

後宮則

有掖庭椒房后妃之室合歡增成安處常寧茝若椒

風披香發越蘭林蕙草鴛鸞飛翔之列

注黃圖長樂宮有椒房殿

漢官閣名有合歡披香鴛鸞飛翔殿餘亦殿名新論曰董昭儀居舍曰椒風

昭陽特盛隆

於孝成

注昭陽殿名孝成趙皇后弟絕幸為昭儀居昭陽舍

屋不呈材牆不露

形裛以藻繡絡以編連隨珠明月錯落其間金釭銜

璧是為列錢翡翠火齊流耀含英元黎垂棘夜光在

焉於是元墀鉅砌玉階彤庭磳礧采綴琳珉青瑩珊

瑚碧樹周阿而生紅羅颯纒綺組續紛精睢華燭俯

仰如神後宮之號十有四位窈窕繁華更盛迭貴

西京賦後宮則昭陽飛翔增成合驪蘭林拔香鳳皇

鴛鸞館室次舍采飾織縠裛以藻繡文以朱綠金瓦

王階彤庭輝輝珊瑚琳碧璠珉璘彬珍物羅生煥若  
崑崙雖厥裁之不廣侈靡踰乎至尊列爵十四競媚  
取榮盛踰無常惟愛所丁 外戚傳漢帝母稱皇太

后祖母稱太皇太后適稱皇后妾皆稱夫人又有美  
人良人八子七子長使少使之號武帝制僖仔姪娥

俗莖充依各有爵位而元帝加昭儀之號凡十四等

云注自昭儀以下至秩百石十四等昭儀位視丞相僖仔視上卿姪

娥視中二千石俗莖視真二千石美人視二千石八

子視千石充依視千石七子視八百石良人視八百

石長使視六百石少使視四百石五官視三百石順

常視二百石無涓共和娛靈保林良使夜者皆視百石上中家人子視有秩斗食 後皇后紀秦并天下官備七國爵列入品漢興因循其號武元之後掖庭三千增級十四光武中興六宮稱號惟皇后貴人金印紫綬又置美人宮人采女三等並無爵秩

**霍光傳** 上官桀有椒房中宮之重注師古曰椒房殿名皇后所居以椒和泥塗壁取其溫芳也在未央宮

**谷永傳** 願抑損椒房玉堂之盛寵

許后傳 省減

**椒房掖庭用度**

後第五倫傳 椒房之親注后妃以

椒塗壁取其繁衍多子故曰椒房

禮內宰六官注

若今稱皇后爲中官疏漢舊儀有此事

漢犬臺宮

江充傳名見犬臺宮黃圖在長西二千八里  
上有大臺宮外有走犬觀

漢鈎弋官堯母門

趙婕妤傳居鈎弋官太始三年生昭帝號鈎弋子十  
四月乃生命所生門曰堯母門注黃圖官在城外漢  
武故事在直門南

拾地志在  
長安城中

黃圖林光宮中有長定官三輔決錄曰后從帝行幸  
甘泉官居長定官長門官在長安城孝武陳后居之



東方朔傳竇太主獻長門園更名長昭臺宮在上林  
門宮注如淳曰長門在長安城東南苑中 西京雜記趙王如意年幼未就外傳使趙媼  
傳之號其室曰養德宮後改爲魚藻宮

漢交門宮 鼎湖宮

武紀太始四年夏四月幸不其祠神人于交門宮若  
有鄉坐拜者作交門之歌注晉灼曰琅邪縣有交門  
官武帝所造 黃圖鼎湖宮在湖城縣界晉灼曰在  
藍田引黃

圖昔黃帝採首山銅以鑄鼎鼎成有龍下迎帝仙去  
小臣攀龍髯而上者七十二人漢武帝於此建宮詳見

郊祀志

漢萬歲官亭

黃圖萬歲官武帝造汾陰有萬歲官宣帝元康四年幸萬歲官神爵翔集以元康五年爲神爵紀元

宣紀神爵元年正月行幸甘泉郊祀泰時三月幸河東祠后土詔曰迺元康四年嘉穀元稷降于郡國神爵仍集金芝九莖產於函德殿銅池中九真獻奇獸南郡獲白虎威鳳爲寶朕之不明震于珍物飭躬齋精祈爲百姓東濟大河天氣清靜神魚舞河幸萬歲官神爵翔集注服虔曰萬歲官在東郡平陽縣今有津晉灼曰黃圖汾陰有萬歲官是時幸河東師古曰

晉說是 後黃瓊傳順帝永建中公車名瓊李固遺

書曰聞渡伊洛有萬歲亭注亭在洛州嵩陽縣西北

武帝元封元年登太室聞山呼萬歲者三因以名亭

又威帝紀注洛陽夏門外有萬歲亭 三齊記曲城齊城東有萬歲水

水北有萬歲亭漢武所造 西征記戴延之漢武帝於

太室山作登仙臺及萬歲亭

漢日華宮

黃圖河間獻王德築日華宮置客館二十餘區以待

學士又見西京雜記梁孝王作曜華宮築兔園有鴈池鶴洲

鳧渚廣川王太后居長壽宮

漢步壽宮

郊祀志神爵二年正月鳳皇集祓禱於所集得玉寶  
起步壽宮廼下詔赦天下

厥後五鳳紀年鳳皇名殿

黃圖秦亦

有步壽宮今按其地與秦異則秦漢各有步壽宮秦

在新豐縣步高宮西 漢官闕名長安有延壽宮祈

年宮 元和志漢步壽宮在華原縣東北三里

本漢祓棚

隋志京兆渭南有步壽宮

初學記黃圖曰京兆

有步高宮

元和志秦步高宮在渭南縣西南二十里

有熊迎年孝武益壽

漢太子宮

疏廣傳宣帝幸太子宮受爲家令迎謁應對及置酒  
宴奉觴上壽 王褒傳詔使褒等皆之太子宮虞侍

太子朝夕誦讀奇文及所自造作太子喜褒所爲甘

泉及洞簫頌 成紀元帝在太子宮生甲觀畫堂帝

爲太子初居桂宮

師古曰三輔黃圖桂宮在城中近北宮非太子宮

元后

傳送政君太子宮見丙殿甘露三年生成帝於甲館

畫堂爲世適皇孫

哀紀定陶王立爲皇太子謝曰

材質不足以假充太子之官 戾太子傳及冠就宮

上爲立博望苑

後班彪傳中宗令劉向王褒蕭望

之周堪之徒保訓東宮

申屠剛傳言皇太子宜時

就東宮簡任賢保以成其德  
陰識傳守執金吾輔  
導東宮

漢陽靈宮

揚雄甘泉賦蓋天子穆然珍臺間館旋題玉英螭蚡  
蝮漢之中惟夫所以澄心清魂儲精垂思感動天地  
逆螫三神者迺搜逮索耦臯伊之徒冠倫魁能函甘  
棠之恩挾東征之意相與齊乎陽靈之宮注齊同也祭天之所  
故曰陽靈之宮也集乎禮神之囿登乎頌祇之堂

漢蒼陽宮 屬玉觀

紀宣帝甘露二年十二月行幸蒼陽宮屬玉觀注應

劭曰宮在鄠秦文王所起成帝元延二年冬行幸

長楊宮大獵宿葺陽宮賜從官

黃圖葺陽宮

東方朔傳

作倍

在今鄠縣西南二十三里

元和志同

西都賦

天子登屬玉之館歷長楊之榭

以玉飾因名焉

### 漢池陽宮

宣統甘露二年春正月呼韓邪單于來朝使有司道

單于先行就邸長安宿長平上自甘泉宿池陽宮上

登長平阪詔單于毋謁

黃圖池陽宮在池陽南上

原之阪去長安五十里

或謂即秦蘭池之陽志在涇陽縣西北八里

元和

地理志左馮翊池陽縣惠帝四年置

應劭曰在池水之陽

東

方朔傳武帝微行北至池陽

百官表有胡騎校尉

掌池陽胡騎

池於地

後章紀建初七年十月幸長

安進幸長平御池陽宮東至南陵造舟於涇而還

### 漢蒲陶宮

匈奴傳元壽二年單于來朝以太歲厭勝所在舍之上林苑蒲陶宮告之以加敬單于

黃圖蒲陶宮在

上林苑

### 漢神光宮

文選揚子雲羽獵賦入西園切神光注張晏曰神光宮名

初學記黃圖長安有西園神光宮



漢蘭池宮

地理志扶風渭城縣有蘭池宮

楊僕傳受詔不至

蘭池宮

文選西都賦注黃圖曰蘭池觀在城外長

安圖曰周氏陂南一里漢有蘭池宮

黃圖秦始皇

二十一年微行咸陽逢盜蘭池注渭城縣有蘭池宮

史記景紀馳道木填蘭池正義秦蘭池在雍州咸

陽縣界三秦記云始皇都長安引渭水為長池築為

蓬萊山刻石為鯨長二百丈一元和志秦蘭池宮在

咸陽縣東二十五里蘭池陂即秦之蘭池也在縣

東二十五里初始皇引渭水為池東西二百里南北

二十里築爲蓬萊山刻石爲鯨魚長二百丈

唐書

太宗出征突厥高祖餞之蘭池宮

漢濟陽宮 鳳皇廬 光武碑

光武紀

南頓君初爲濟陽令以建平元年

乙卯歲

十二

月甲子夜生光武於縣舍有赤光照室中是歲縣界

有嘉禾生一莖九穗因名曰秀

注蔡邕光武碑文云光武將生皇考以令

舍不顯開宮後殿居之而生

建武五年十二月詔復濟陽二年徭

役注帝生於濟陽宮

明紀永平五年十月詔豐沛

濟陽受命所由加恩報德適其宜也

安紀延光三

年二月丙子東狩丁丑告陳留太守祠南頓君光武

萬曆十六年

三升卷五十五

光武生包直列

于濟陽

郡國志

陳留郡濟陽注有行宮光武生

吳都

賦注光武紀云濟陽有武帝行過宮

論衡

光武以建平元年十二月

甲子生於濟陽宮後殿第二內中室內自明是歲嘉禾生三本一莖九穗長於禾一二尺元帝之初有鳳皇下濟陽故今濟陽宮有鳳皇廬始與李父等俱起遇賊兵走濟陽舊廬見光若火正赤在舊廬道南光耀上屬天水經注云光明照室蔡邕光武濟陽宮碑帝乃龍見白水淵躍昆滄云云先民有言樂樂其所自生禮不忘其本是以虞稱嫫汭姬美周原作頌曰應期潛見扶陽而飛

漢懷宮

光武紀建武元年八月癸丑祠高祖太宗於懷宮  
列傳伏隆建武二年詣懷宮光武親接之 范升建  
武三年名詣懷宮拜議郎 耿純世祖郎位從攻王  
郎還詣懷宮注懷河內縣名有離宮

枚叔七發乃下置酒於虞懷之宮

漢洛陽南宮

又見上

却非殿

九龍殿

前殿

光武紀建武元年七月圍朱鮪於洛陽九月朱鮪舉  
城降十月癸丑車駕入洛陽幸南宮却非殿遂定都

焉十四年正月起南宮前殿注蔡質漢典質儀云南宮至北宮中央作大屋複道三行天子從中道從宮夾左右十步一衛兩宮相去七里又洛陽宮閣各有却非殿一順帝紀帝卽位尚書以下從輦到南宮登雲臺

又質帝威帝迎入南宮卽位

馬后紀諸貴人徙居南宮

五行志南宮宣室殿承善闔黃龍千秋萬歲殿長秋和歡殿鈎盾掖一傳論顯宗圖二十八將於南宮雲臺一列傳張酺永平九年顯宗爲四姓小侯開學於南宮酺數講於御前馮魴永平十五年東巡郡國留魴宿衛南宮一賈逵建初元年詔入講北宮白虎

觀南宮雲臺 東平王蒼建初三年帝饗衛士於南

宮因從皇太后周行掖廷池閣因閱陰太后舊時衣

服賜蒼及琅邪王京書 鄭弘章帝以前後所陳補

益王政皆著之南宮以爲故事

謝承漢書明帝條沛相李壽前後所上便

宜爲南宮故事

楊賜靈帝徙南宮閱錄故事得所上張角

秦及前侍講注籍乃感悟下詔封賜臨晉侯 官者

傳靈帝修南宮玉堂 東都賦皇城之內宮室光明

闕庭神麗奢不可踰儉不能侈

李通傳建武二年拜大司農帝每征討四

方常令通居守京師鎮撫百姓修宮室起學官

東京賦於南則前殿雲臺

和歡安福諡門曲榭邪阻城洳奇木珍果鉤盾所職

西登少華亭候修飭九龍之內實曰嘉德西南其戶

匪彫匪刻我后好約乃宴斯息

九龍本周時殿名也門上有三銅柱三龍

相糾繞故曰九龍嘉德殿名在九龍門內也我后謂明帝也

威帝延熹二年南宮嘉德殿黃龍見

又有朱雀蒼龍白虎元武闕司馬門掖門承明門

金馬門鴻都門青瑣門崇德殿官之正門也章德殿

官之前殿也有玉堂前後殿明光殿建始殿東有太

倉武庫又有鳳皇黃龍千秋萬歲殿雲臺

一作靈臺

阿閣

蘭臺東觀仁壽闈咸在焉

洛陽官又有却非門漢表云分爲一周有逃責之

堂注劉德曰雒陽南宮謠臺是也

漢太駕宮

修西京官室

六王邸

光武紀建武十九年修西宮宮室 杜篤傳篤以闕

中表裏山河先帝舊京不宜改營洛邑乃上論都賦

曰皇帝以建武十八年二月甲辰升輿洛邑巡于五

岳推天時順斗極排閭闔入函谷觀阨於穀黽圖險

於隴蜀其三月丁酉行至長安經營宮室傷愍舊京

遂天旋雲遊造舟于渭北旋經流衍陳於岐梁東橫

乎大河瘞后土禮邠郊四月反明年有詔復函谷闕

作大駕宮胡廣漢制度曰天子出有大駕法六王邸

駕小駕 大駕言即天子行幸也

高車廡於長安修理東都城門長安外橋涇渭往往

繕離觀東臨瀉漣西望昆明北登長平規龍首撫末



夫規平樂儀建章

漢洛官 三官

東京賦昔先王之經邑也審曲面勢沂洛背河左伊  
右瀍西阻九阿東門于旋盟津達其後大谷通其前  
大室作鎮揭以熊耳底柱軌流罈以大岷龍圖授羲  
龜書畀姒名伯相宅卜惟洛食周公初基其繩則直  
經涂九軌城隅九雉度堂以筵度室以几京邑翼翼  
四方所視世祖龍飛白水鳳翔參墟云云獻喆元覽  
都茲洛官曰止曰時昭明有融旣光厥武仁洽道豐  
登岱勒封與黃比崇逮至顯宗六合殷昌乃新崇德

殿名  
東遂作德陽西啓南端之特闈立應門之將將昭

仁惠於崇賢

東門

抗義聲於金商

西門

飛雲龍

東門

於春路

屯神虎

西門

於秋方建象魏於兩觀旌六典之舊章其

內則含德章臺天祿宣明溫飭迎春壽安永寧

入殿在應

門之內

飛閣神行莫我能形於南則前殿

路寢

雲臺

安福諺門

外室門也

曲榭邪阻城洫九龍

周時殿名

之內實曰

嘉德西南其戶匪彫匪刻我后好約乃宴斯息於東

則鴻池清籟綠水澹澹其西則平樂都場示遠之觀

李尤賦曰設平樂之顯觀處金商之維

龍雀

飛廉也

蟠蛇天馬

銅馬也

半漢

經始勿亟成之不日猶謂爲之者勞居之者逸慕唐

虞之茅茨思夏后之卑室乃營三官布政頒常複廟

重屋八達九房

謂明堂

規天矩地授時順鄉造舟清池

維水泱泱左制辟雍右立靈臺因進拒衰表賢簡能

馮相觀禋祈禘禳災

薛綜注德陽殿東有辟雍西有靈臺謂於其上

堂大合樂射鄉者曰辟雍司歷紀侯節氣者曰靈臺

東都賦至于永平重熙

累洽增周舊修洛邑扇巍巍顯翼翼光漢京于諸夏

總八方而爲極皇城之內宮室光明闕庭神麗奢不

可踰儉不能侈

賦序云京師修宮室浚城皇起苑囿以備制度

漢北宮

又見上

紀明帝永平三年起北宮及諸官府

夏旱鍾離意諫曰成湯六事自

責今宮室大作人失農時所謂宮室榮也

八年十月北宮成

和帝永元

四年四月庚申幸北宮

順帝召虎賁羽林士屯南

北宮諸門

文選注蔡質漢官典職曰南宮北宮相去七里中間作大屋複道三行

竇

后章

見於北宮章德殿

鄧后

和

自御北宮增喜觀

閱問宮人即日遣五六百人

列傳鍾離意永平三

年夏旱而大起北宮意詣闕上疏帝敕太匠止作諸

宮減省不急遂應時注雨後德陽殿成百官大會帝

思意言謂公卿曰鍾離尚書在此殿不立注漢宮殿

名曰北宮中有德陽殿

井丹建武末沛王輔等五

王居北宮皆好賓客請丹不能致

逸民

賈逵入講

北宮白虎觀 張禹永元十五年以太尉兼衛尉留守注東觀記曰留守北宮 馬融陽嘉二年對策北宮端門 五行志有北宮盛饌門閣東掖庭

漢濯龍宮 池

威紀延熹五年十月換王侯租以助軍糧出濯龍中藏錢還之九年七月庚午祠黃老於濯龍宮論曰飾芳林以考濯龍之宮設華蓋以祠浮屠老子注續漢志祠老子於濯龍宮用郊天樂 馬后紀明帝幸濯龍中諸才人下邳王以下在側請呼皇后帝笑曰是家志不好樂雖來無歡建初二年太后詔曰前過濯

龍門見外家問起居者車如流水馬如游龍置織室  
蠶於濯龍中數往觀視以爲笑樂注續漢志曰濯龍  
園名也近北宮

少府屬官有濯龍  
監一人四百石

李雲傳威帝在

濯龍池管霸奏雲等事

李尤賦德陽之北斯曰濯

龍文椀曜水甘果成叢

洛都賦

傳

顧濯龍之臺觀

淳清沼以汎舟

東京賦

濯龍芳林九谷八溪芙蓉

覆水秋蘭被涯注洛陽圖經曰濯龍池名

### 漢胡桃宮

匈奴傳順帝漢安二年

六月丙寅

立南單于兜樓儲

詔太常祖會饗賜作樂角抵百戲帝幸胡桃宮臨觀

之

漢承光宮

種暲傳順帝擢暲監太子於承光宮

百官志永安丞一人永安北宮東北別小官名有國

觀洛陽官殿名曰永安宮周迴六百九十八丈故基在洛陽故城中苑中丞主苑中

離宮 李尤永安宮銘合歡黃堂中和是遵侯臺集

道俾司星辰 一晉紀太元二十一年四月新作永安

宮

漢官閣簿 官闕疏 鼓簧宮

唐志漢官閣簿三卷洛陽宮殿簿二卷 文選注引

漢官閣名長安有鴛鸞殿又引漢官殿疏曰長安有  
鴈鷺陂又引晉官闕名西都賦注引漢官闕疏景福  
殿賦注引洛陽宮殿簿上林賦注引漢官殿簿漢  
書顏師古注引漢官閣疏黃圖鼓簧宮漢官閣疏  
云周匝一百三十步在建章宮西北光武紀注洛  
陽宮殿名有却非殿漢官閣疏曰靈臺高三丈十二  
門

### 蜀漢新宮

蜀都賦金城石郭兼而中區旣麗且崇實號成都闕  
二九之通門畫方軌之廣塗營新宮於爽塏擬承明



而起廬注新宮宮名漢有承明廬此擬而起之

魏洛陽宮 太極殿 建始殿 承明廬

紀文帝黃初元年十二月初營洛陽宮戊午幸洛陽

注臣松之曰時帝居北宮以建始殿朝羣臣門曰承

明陳思王植詩曰謁帝承明廬至明帝始於漢南宮

崇德殿處起太極昭陽諸殿魏畧魏有鄴宮 洛陽

芙蓉九華 承光諸殿明帝青龍三年三月大治洛陽宮起昭

陽太極殿築總章觀高十餘丈建翔鳳千上 初學

太極自晉以降 工殿皆名之張遼傳黃初二年遼朝洛陽宮文

帝引會建始殿親問破吳意狀 一魏都賦經始之制

宇無百王畫雍豫之居寫八都之宇高門有闕築室  
百堵思重交墓大壯造文昌之廣殿極棟宇之宏規  
長庭砥平鍾虞夾陳巖巖北闕南端攸遵西闕延秋  
東啓長春左則中朝有絕聽政作寢前則宣明顯陽  
順德崇禮重闈洞出鏘鏘濟濟禁臺省中連闈對廊  
諄諄列侍金螭齊先後則椒鶴文石永巷闈街楸梓  
木蘭改舍甲乙西南其戶成之匪日丹青炳煥持有  
隱室

魏許昌宮

魏文帝黃初三年正月庚午行幸許昌宮四年九月

甲辰行幸許昌宮五年七月幸許昌宮宣明帝太和六年四月壬寅行幸許昌宮九月治許昌宮起景福承光殿十二月行還許昌宮青龍三年十一月丁酉行幸許昌宮 卞蘭許昌宮賦入南端以北眺望景福之暖煖望舒涼室羲和溫房 楊脩許昌宮賦置天臺於辰角列執法於西南 元和志許昌宮在許昌

城

漢建安元年許

### 吳太初宮

吳志孫權赤烏十年三月改作太初宮注權以建業宮諸腐朽徙武昌宮材瓦繡治 孫皓寶鼎二年十六

月起顯明宮注吳有太初官方三百丈權所起也昭  
明官方五百丈皓所作也避晉諱故曰顯明在太初  
之東志又有蒼龍門白虎門

黃龍元年九月權遷都建業因故府不改館名陸遜  
輔太子登掌武昌留事建康建都自吳及陳三百  
二十一年

### 晉咸和新宮

成帝紀兼王導傳咸和四年二月蘇峻平宮闕灰燼以建

平園爲宮溫嶠議遷都豫章三吳之豪請都會稽二  
論紛紜未有所適王導曰金陵舊爲帝里又孫仲謀

劉元德俱言王者之宅古之帝王未必以豐儉移都苟弘衛文大帛之冠則無往不可且北寇蒐游伺我之隙一旦示弱竄於蠻越求之望實俱非良計以咸和五年九月造新宮王彬爲大匠繕苑城修六門七年十二月庚戌帝遷於新宮八年正月辛亥朔詔曰旣獲臨御大饗羣后九賓充庭百官象物

晉崇化宮 弘訓宮 崇德宮 崇訓宮

紀武帝泰始元年十二月丁卯尊王太后宮曰崇化二年正月辛丑尊羊皇后宮曰弘訓 穆帝升平元

年正月褚太后居崇德宮

褚皇后傳穆帝幼冲后臨朝帝旣冠反崇德宮

孝武大元十九年八月己巳尊李太后官曰崇訓

晉太元新宮 太極殿

孝武紀太元三年春二月乙巳作新宮七月辛巳帝

入新宮

新宮內外殿宇大小三千五百間

十七年八月新作東宮二

十一年正月造清暑殿

宋孝武帝有華林清暑殿賦

謝安傳孝

武時官室毀壞安欲繕之尚書令王彪之等以外寇

爲諫安竟獨決之官室用成皆仰模元象合體辰極

而役無勞怨

王獻之傳太元中新起太極殿

時建大極

殿有梅木流至以爲梁因畫花於梁以表瑞

謝安欲使獻之題榜以爲萬

代寶而難言之以魏章仲將書凌雲殿榜諷之獻之

曰仲將魏之大臣寧有此事 一徐爰晉紀孝武寧康

二年尚書令王彪之等改作新官太元三年二月內

外軍六千人始營築至七月而成太極殿高八丈長

二十七丈尚書謝萬監視賜爵關內侯大匠毛安之

關內侯 一梁書天監十二年改造大極殿王規獻新

殿賦 陳徐陵  
有銘

玉海卷第一百五十六

玉海卷第一百五十七

浚儀王應麟伯厚甫

宮室

宮三

唐太極宮

西內

承天門

紀高祖武德元年五月甲子，即皇帝位于太極殿。

隋本

之大興殿，今以帝即位改爲。

太宗正觀三年四月甲午，始御太極

殿。善紀甲子始於太極殿聽政。

地理志

上都皇城長千九百一

十五步，廣千二百步。宮城在皇城之北，長千四百四

十步，廣九百六十步。周四千八百六十步。其崇三丈

萬曆十六年

三

監生包植列



有半龍朔

高宗

後皇帝常居大明宮。乃謂之西內。神龍

宗元年曰太極宮

**禮志**

大祭祀致齋太極殿。蕃國

主來朝。皇帝親征。皇帝皇太子加元服。皇帝納后。皇

太子納妃。皇帝元正冬至受羣臣朝賀。臨軒冊皇太

子。皆設御幄于太極殿。皇帝藉田。還明日班勞酒于

太極殿。六典宮城在皇城之北。南面三門。中曰承

天。東曰長樂。西曰永安。

承天門。隋開皇二年作。初曰廣陽門。仁壽元年改曰昭陽。

武德元年改順天。神龍元年改承天。若元正冬至大陳設宴會赦過宥

罪除舊布新。受萬國之朝貢。四夷之賓客。則御承天

門以聽政。

蓋古之外朝也。

其北曰太極門。其內曰太極殿。朔

望則坐而視朝焉。

蓋古之中朝也。隋曰太興門。太興殿。煬帝改虔福門。正觀八年改。

極門。武德元年改太極殿。有東西。上二閣門。東西廊。左右延明二門。

次北曰朱明門。

曰虔化門。右曰肅章門。肅章之西曰暉政門。虔化之

東曰武德西門。其內有武德殿。延恩殿。又北曰兩儀

門。其內曰兩儀殿。常日聽朝而視事焉。

蓋右之內前也。隋曰中。

殿。正觀五年改為兩儀殿。承天門之東曰長樂門。北入恭禮門。又北入虔化門。則宮內也。承天門之西曰

廣運門。永安門。北入安仁門。又北入肅章門。則宮內也。兩儀殿之東曰萬春殿。

西曰千秋殿。兩儀之左曰獻春門。右曰宜秋門。宜秋

之右曰百福門。其內曰百福殿。百福之西曰承慶門。

內曰承慶殿。獻春之左曰立政門。其內曰立政殿。立

嘉靖丁巳年

政之東曰大吉門其內曰大吉殿兩儀之北曰甘露  
門其內曰甘露殿左曰神龍門其內曰神龍殿右曰  
安仁門其內曰安仁殿又有興仁宣猷崇道惠訓昭  
德安禮正禮宣光通福光昭嘉猷華光暉儀壽安綏  
福等門薰風就日翔鳳咸池臨照望仙鶴羽乘龍等  
殿凌煙翔鳳等閣 **舊史**正門曰承天正殿曰太極  
太極之後殿曰兩儀內則殿亭館三十六所 **暉**凌  
煙閣在焉 **會要**武德元年五月二十一日 **隋**大  
興殿為太極殿昭陽門為順天門神龍元年二月改  
為承天門景雲元年十月二十一日以京大內為太

極宮。

長安志當正殿曰承天門內即朝堂東有肺

石西有登聞鼓門下省在左延明門東南中書省在

右延明門西南

省內有舍人院

洪文館在門下省東史館在

門下省。

雍錄

由承天門南至朱雀門北是爲宮城

之內。

唐大明宮

東內

蓬萊宮

含元宮

永安

宮

地理志上都大明宮在禁苑東南南接京城之北面

西接京城之東北隅長千八百步廣千八十步曰東

內本永安宮正觀八年

十月

置

又鳳翔麟游西三十里有永安宮正觀八

萬曆丁亥年

三每美百五十七

三

監生吳公亮

年置會要長安二年六月於  
雍州永安縣置宮名曰永安  
九年正月改曰大明

宮以備太上皇清暑百官獻貲以助役高宗厭西內

湫濕龍朔二年始大興葺六月改曰蓬萊宮紀龍朔二年四月

月辛巳作蓬萊宮三年二月丙戌減百官一月俸賦會要三年四月

移仗就蓬萊宮新作含元殿舊紀咸亨元年始御紫宸殿聽政百官奉賀咸亨元年改曰含元宮

三月四日丁丑改舊紀咸亨元年長安元年十一月

改爲大明宮又元宗開元二年六月甲子以太上皇

月丁未上皇自開遠門入大明宮觀於大明宮北垣

百姓德宗正元三年初作元英門觀於大明宮北垣

六典大明宮在禁苑之東南西接宮城之東北隅南  
面五門正南曰丹鳳門東曰望仙門次曰延政門西

曰建福門次日興安門

南當皇城之啓夏門舊京城人苑之北門開阜三年開餘

四門與宮同置

李華含元殿賦

丹鳳門內正殿曰

含元殿

殿卽龍首山之東阻也階上高於平地四十餘尺南去丹鳳門四百餘步東西廣五百步

元正冬至於此聽朝也

夾殿兩閣左曰翔鸞閣右曰栖鳳閣

飛廊相接夾殿東有通乾門西有觀象門閣下卽朝堂麻石登開鼓如承天之制含元殿賦云吉善之

旌登開之鼓

其北曰宣政門門外東廊曰齊德門西廊曰

興禮門內曰宣政殿

宣政左右有中書門下二省弘文史一節含元熙賦云左黃

閣而右紫微命伊臯而爲長

殿前東廟曰日華門門東門下省省

東南北街南直含耀門出昭訓門宣政殿前西廊曰

月華門門西中書省省西南北街南直昭慶門出光

範門宣政之左曰東上閣右曰西上閣次西曰延英

門其內之左曰延英殿右曰含象殿宣政北曰紫宸

門其內曰紫宸殿正殿也殿之南面紫宸門左曰崇

明門右曰光順門殿之東曰左銀臺門西曰右銀臺

門次北曰九仙門殿之北面曰元武門左曰銀漢門

右曰青霄門其內又有麟德凝霜承歡長安仙居拾

翠碧羽金鸞蓬萊含涼珠境三清舍冰水香紫蘭等

殿元武明義大角等觀鬱儀結隣承雲修文等閣也

禮樂志唐初鍾磬凡三十六簾蓬萊宮成增用七

十二簾賈會為萬年主簿護役蓬萊五行志含元

官 村南獻三賦蓬萊宮

路寢大朝會之所御也

餘見殿門

鄭后傳宣宗卽

位奉養大明宮

契苾何力傳龍朔初司稼少卿梁

修仁新作大明宮初植白楊更植以桐

長安志大

明宮高宗命司農少卿梁孝仁制造北據高原南望

爽塏

孫樵有大明宮賦

李華舍元殿賦建北宮

之尊嚴上取法於天帝圖正殿之道居規崇山而定

制因以鴻稱舍元建名易乾坤之說曰舍弘光大又

曰元亨利貞括萬象以爲尊特巍巍乎上京元象著

明帝坐維三皇唐設位俯察仰參翼室正中游官次

南北起舍元其容耽耽總而言之如山之壽則曰蓬



萊如日之昇則曰大明頌曰帝作含元含元言言舉  
若日觀呀爲天門

唐洛陽宮

地理志東都隋置

太業元年移都

武德四年廢正觀六年號

洛陽宮

太宗之幸者十四宗之幸者十四

顯慶二年

十二月丁卯

曰東都

光宅元年

九月甲寅

曰神都

宮名太初

神龍元年復曰東都天

寶元年曰東京三元二年罷京肅宗元年

一本云寶應復

爲東都皇城長千八百一十七步廣千三百七十八

步周四千九百三十步其崇三丈七尺曲折以象南

宮垣名曰太徽城宮城在皇城北長千六百二十步

廣八百有五步。周四千九百二十有一步。其崇四丈八尺。以象北辰。藩衛名曰紫微城。武后號太初宮。都城前直伊闕。後據邙山。左瀍右澗。洛水貫其中。以象河漢。東西五千六百一十步。南北五千四百七十步。西連苑北。自東城而東二千五百四十步。周一萬五千五十步。其崇丈有八尺。武后號曰金城。紀太宗正觀四年六月乙卯發卒治洛陽宮。十一年二月甲子。三月癸丑。一本又云丙午宴從宮。十一月丙午。皆如洛陽宮。十五年正月辛巳。十月壬辰。十八年十月甲寅。皆如洛陽宮。十九年二月庚戌。如洛陽宮。以伐高麗。初太

秦王建德世充平置酒大會洛陽宮論郭孝恪之高  
功又召張儉見洛陽宮論遼西山川險易見各傳

五海卷五十二

五百三十一張五

宗顯慶二年閏正月壬寅七月丁亥十二月乙卯並  
如洛陽宮丁卯以洛陽宮爲東都四年閏十月戊寅  
五年四月癸巳十二月巳卯麟德二年二月壬午咸  
亨二年正月乙巳十二月丙戌儀鳳元年三月甲辰  
調露元年正月戊子永隆元年二月乙丑八月丁未  
永淳元年四月丙寅弘道元年四月巳未十一月丁  
未並如東都 傳張元素正觀四年發卒治洛陽宮  
乾元殿且東幸元素上書諫曰陛下初平東都之始  
層樓廣殿皆令撤毀豈有初則惡其侈靡今乃襲其

彫麗帝顧房元齡曰洛陽朝貢天下中朕營之意欲

便四方百姓今元素言如此後雖露坐容何苦耶詔

罷役

皇甫德參亦諫

寶璣爲將作大匠修洛陽宮鑿池起

山務極浮侈費不勝筭太宗怒詔毀之免其官 姜

確爲少匠護作九成洛陽宮以幹力稱 謝偃太宗

幸東都穀洛壤洛陽宮詔求直言偃上書陳得失一

年七月 會要武德四年十二月七日使行臺僕射屈

突通焚乾元殿應天門紫微觀以其太奢 薛收傳秦王入洛觀

隋宮室收進曰峻宇雕墻殿以仁十階茅茨堯 正觀

以昌阿房興秦禍速露臺罷漢祚永王重其言 三年太宗將修洛陽宮戴胄諫 云云 上嘉之四年六

月二十四日又修洛陽宮張元素諫云云卽停之

舊紀正觀十一年三月丙申改洛州爲洛陽宮

六典正觀

六年改洛陽宮十二年車駕始幸洛陽

六典皇宮在皇城之北

東西四里

南北二里周回十三里

南面三門中曰應天左曰興教右曰光

政應天門端門若西承天門

其內曰乾元門

若太極門東西廊有左右延福門

興教之內曰會昌章善光政之內曰廣運明福乾元

之左曰萬春右曰千秋其內曰乾元殿

卽明堂也證聖元年所造

上圓下方八竈四闔高三百尺

殿之左曰春暉門右曰秋景門北曰

燭龍門明福之東曰武成門其內曰武成殿明福之

西曰崇賢門其內曰集賢殿武成之北曰長壽殿集

賢之北曰仙居殿東曰億歲殿又東曰周明殿西北  
出曰洛城西門其內曰德昌殿北曰儀鸞殿南出口  
延慶門又南曰韶暉門西南曰洛城南門其內曰洛

城殿又北曰飲羽殿

洛城南門之西有麗景夾城自此潛通於上陽焉

會

要顯慶元年敕田仁汪因舊餘趾修乾元殿麟德二  
年三月十二日殿成天寶二年正月二十八日築神

都羅城號曰金城永泰元年十二月修東都官殿

舊紀

云修洛陽官

韋弘機傳高宗嘗言兩都我東西宅然因

隋官室日什不葺乃語弘機兼將作少府二官督營

繕

李林甫謂二都帝東西官

褚無量傳內府舊書無量建請繕

錄補第以廣秘籍開元七年五月

六典開元五年

天子詔於

東都乾元殿東箱部彙整比無量爲之使

無量整比四部書成

上令百姓官人入乾元殿東廊觀書無不驚歎

官志開元十二年東都明

福門外亦置麗正書院

洛陽官記

胡交修

禹因山川分畫九州大河之南厥土

爲豫考極相方實處天下之中風雨所會陰陽所和而沖氣鍾焉其川河洛圖書之淵珍符是興其鎮嵩高孕秀生賢神靈是宅其浸瀍澗伊水之利環流灌漑壤沃物豐其地廣衍平夷洞達萬方輻湊朝覲貢賦道理均焉莫位宅中茲實帝王之居也高祖太宗

肇造區夏據秦百一之勢襲漢累世之基定都長安以隆上京惟是洛宅雖不獲奉萬乘之駕建諸夏之本而文皇帝顧瞻歷覽眷此舊邦肇新東都作對咸秦乃以正觀六年名洛陽宮凡體國之制仰模大紫擬象河漢者雖因隋之舊逮夫一新號名昭揭于兩觀之上則觚稜金爵壁門鳳闕焜耀改觀益隆唐家興王之氣矣太宗以神武英偉之姿一加眎睠榮名所被在物咸飾使巍巍茲宮復取重於當世豈不韙哉開元之隆鑿與時巡詔命儒臣宋璟馬惟白等博彙羣書於乾元殿又卽明福門外置集賢書院置學



士員校讎其間而藏書之富殆與長安大明宮集賢  
書院等不其盛歟臣幸預翰墨紀事迹本末載於文  
字臣之職也竊惟周家興於岐邠武王宅都於鎬至  
成王乃命周召相基定卜於茲新邑宣王中興大會  
諸侯纂承文武師徒狩獵詩人詠歌則洛陽於周爲  
四方朝貢之地也尚矣太宗乃克大倣古以不廢周  
王迓衡之迹用宏茲賁光于土中克紹上帝匹休成  
周嗚呼盛哉若夫城隅廣陋之度宮庭考室之制皆  
不足書書是宮有合先王之制者以詔後世云

唐長春宮

起高祖起義兵九月甲子次長春宮

在同州朝邑縣本周武帝作時

附定五年宇文護築隋開皇中修之十六年十月巳丑幸長春宮

太宗正觀十二年

二月甲戌如長春宮

先是武德二年正月癸卯太宗鎮長春宮十月討武周乙卯高

祖至長春送之

舊紀武德元年鎮長春

免朝邑今

官高祖又幸長春宮親送太宗討武周

免朝邑今

歲相賦降囚罪元宗開元八年十月辛巳如長春宮

德宗正元元年四月壬午渾瑊及李懷光戰于長春

官敗之

列傳竇軌大業中高祖起兵軌募衆千餘

人迎謁長春宮帝大悅使略地渭南

于志寧大業

末高祖入關率羣從迎謁長春宮

長孫無忌高祖

兵度河進謁長春宮

顏師古高祖入關謁長春宮

呂元膺辟長春宮判官。魏謩爲長春宮巡官。

會要開元八年六月同州刺史姜師度兼營田長春宮使二十年三月皇甫惟明充後皆以他官充使至大曆九年宋晦以同州刺史充開元九年十二月十七日敕同蒲絳河東西沙苑田並收入長春宮二十年十一月十七日敕新豐朝邑屯田令長春宮使檢校

朝邑屯田姜師度於開元八年十月十七日開置

寶曆二年九月敕同

州長春宮莊宅置內莊宅使掌之

文苑梁洽長春

宮賦視河外之離宮信寰中之特美飛重樓之沓秀  
繚長垣而層趾長者仁壽之符春者發生之所 大

業十三年高祖起義自河東引兵而西濟河至朝邑舍於長春宮休甲養士仍資永豐倉粟迄後此宮不廢揆之商周其殆西亳偃師之類歟

### 唐長樂宮

**舊紀**義寧元年高祖入關十月辛巳至長樂宮有衆二十萬

十一月丙辰克長安還舍長樂宮約法十二條甲子入長安

武德五年三

月丁未秦王破劉黑闥四月庚戌還京師高祖迎勞於長樂宮

**帝雲起傳**高祖入關上謁長樂宮授司

農卿

**隋志**

京兆大興縣有長樂宮

唐萬年縣

唐弘義宮

大安宮

獻獲大安宮

紀高祖武德五年七月甲申作弘義宮太宗正觀三

年四月乙亥太上皇徙居大安宮舒王傳高祖在大安宮太宗晨夕使

尚宮問起居甲午始御太極殿四年十月甲辰獵于魚龍

川獻獲于大安宮五年正月癸酉獵于昆明池丙子

獻獲于大安宮一本又云正觀六年十月乙卯帝偕

至于殿門十月侍上皇宴於大安宮帝與皇后更獻飲膳及服御之物地理志京兆

長安縣有大安宮本弘義宮會要武德五年七月

五日紀中營弘義宮初秦王居宮中承乾殿高祖以

秦王有克定天下之功建弘義宮以居之至九年七

月高祖以弘義宮有山林勝景雅好之正觀三年四

月乙亥乃徙居之

舊紀四月  
辛巳徙居

改為大安宮

一云九年  
七月改名二

十三日太宗正位於太極殿

純云甲午始  
御太極殿

六年監察

御史馬周上疏曰伏見大安宮居在城之西其墻宇

門闕之制方之紫微尚為卑小東宮皇太子居之而

在內大安至尊居之反在外願雉堞門觀務從高顯

以稱萬方之望則大孝昭矣

又本傳

### 唐興德宮

地理志同州馮翊南三十二里有興德宮高祖將趨

長安所次

元和志在馮翊縣南三十二里義旗將

趣京師軍次於忠武園因置亭子名興德宮屬家令

寺

唐通義宮

高祖紀武德六年四月己未以故第為通義宮祭元

皇帝元正皇后于舊寢

舊紀武德元年三月戊辰立四廟於長安通義里第會

興慶寺通義坊本高祖舊宅武元年為宮正觀元年為尼寺

會要武德六年

四月十四日幸龍潛舊宅改為通義宮置酒高會

舊紀

賜從官詔曰爰擇良辰言遵邑里

高祖舊居禮同

石差迴沛事等歸譙故老咸臻族姻斯會肅恭薦享感慶

兼集

唐龍躍宮 慶善宮 武功宮

紀高祖武德六年十二月庚戌

會要九月舊紀乙巳

以奉義監

爲龍躍宮

卽高祖舊居

七年十月丁卯如慶善宮十二月

丁卯八年十月壬午如龍躍宮太宗正觀六年九月

巳酉幸慶善宮

上歡甚賦詩

十六年十一月丙辰獵于武

功甲子幸慶善宮

地理志京兆府高陵縣西四十

里有龍躍宮本高祖舊宅高祖置爲宮

後德宗以宮爲修真觀正

元中吳通微作修真宮銘

武功縣南十八里臨渭水有慶善宮武

德元年高祖以舊第置宮

後廢爲慈德寺

會要武德元年

十月十八日以武功舊宅爲武功宮

四年閏十月己

未次武功舊第

六年十二月九日

一本云庚戌

改爲慶善



官正觀六年九月二十九日太宗幸慶善宮宴從臣

於渭濱上賦詩云指麾八荒定懷柔萬國夷單于陪

武帳日逐衛文挽端辰朝四岳無爲任百司共樂還

譙宴歡此大風詩賞賜閭里有同漢之宛沛焉起居

郎吕才播於樂府被之管絃名曰功成慶善樂初太宗嘗

過舊宅賦詩曰新豐停翠輦譙邑駐鳴笳一朝辭此

去四海遂爲家後重幸武功詩云積善欣餘慶暢武

悅成功白水巡前跡丹陵幸舊官列筵歡故其年諫

老高宴聚新豐瑞氣縈丹闕祥烟散碧空議大夫蘇世長侍宴於披香殿酒酣奏曰臣昔在武

功幸常陪侍見陛下宅宇纔蔽風雨當此之時亦以爲足今初有天下而於隋官之內又加雕飾欲撥亂

其可得乎 舊史太宗生於武功之別館時有二龍

戲於館門之外正觀十六年十一月丁卯宴武功士

女於慶善宮南門酒酣上與父老等泣涕論舊事老

人等遞起爲舞爭上萬歲壽通監十六年十一月壬戌校獵岐陽田幸宮宴

賜故老 竇后傳初太宗生而有二龍之符后於諸子

中愛視尤篤及卽位過慶善宮覽觀哽欷享后於正

寢太宗以隋開皇十八年十二月戊午生尉遲敬德傳侍宴慶善宮

慶善宮記莫冲唐高祖神堯皇帝膺上天之正命仗

旗建號是承隋作民主天下既定作都長安屬邑武

功之南故第存焉廼卽位之元年詔以爲武功宮六

年十二月庚戌錫名慶善明年十月親臨幸焉惟武功宅關中之輿直太華而臨涇水廣川名阜左右回環天府神臯瓌偉絕特蓋神設鬼造以遺我神堯也踐祚之後九重邃宇仰模帝居其高明顯敞瑰麗靚深雖千百神功之舊而帝心拳拳未嘗一日不在武功也宅基業之宏太念開創之本初思有以顯飾而章異之以貽子孫萬世之傳矧惟密邇畿甸去邑不百里而近詎可以朝夕弗臨爲戒爰詔有司閱其地而斥大焉云云推原帝意夫豈爲宮室之奉游觀之娛而已哉昭上帝之貺施聳率土之觀瞻不忘其初

期於久遠使子孫知創業之艱難持守盈成之弗易也處心積慮其深遠哉太宗嗣服斯宮實篤生之地靈貺肇甄厥惟二龍仰憲光烈以昭揭休命聖心尤垂意焉玉車再戾合樂張燕賦詩十篇有懷柔萬國指揮八方之語呂才等謂帝以武定天下而守之以文制禮興樂被飾隆平尤爲帝王之極功至于聲詩紀述加惠開迹之所厄允協雅頌之正因取而被之管絃名其樂曰功成慶善樂成而斯宮之美益彰太宗之雅志其休矣乎關中漢舊都也上囿禁苑之內離宮別館三十六所室宇之制盛矣然長楊五柞止

爲投宿更衣之所。塵身於不急之務。至於慨念疇昔。睠懷粉榆。肇作新豐。置立社邑。外有勞民動衆之過。而故址湮沒不彰。後世無攷焉。今慶善之作。槩以西京宮室之制。雖未足競麗而爭雄。若乃營繕之本旨。爲昭休命而示子孫者。則西京之主蓋未知出此也。

唐仁智宮

高祖紀武德七年五月丙戌會要十作仁智宮舊紀

造於宜州六月辛丑如仁智宮地理志坊州宜君

縣有仁智宮武德七年置韋挺傳武德七年帝避

暑仁智宮

唐太和宮 翠微宮頌 翠微殿

地理志京兆府長安縣南五十里太和谷有太和宮

元和志太和宮在縣南五十里終南山太和谷 武德八年置四月二十一日甲申造於

終南山 正觀十年廢二十一年曰翠微宮四川乙 籠山

為苑元和中以為翠微寺有子午關天寶二年尹韓

朝宗引渭水入金光門置潭西市以貯林木大曆元

年尹黎幹自南山開漕渠抵景風延喜門入苑以漕

薪紀高祖武德八年四月甲申如鄠獵于甘谷

太和宮太和谷在終南山後 六月甲子如太和宮太宗正觀

十一年四月乙丑作翠微宮五月戊子幸翠微宮

二十三年四月乙亥幸翠微宮

會要武德八年四

月二十一日造太和宮於終南山正觀十年廢二十一年四月九日公卿上言請修廢太和宮厥地清涼可以清暑詔從之乙丑遣將作大匠閻立德於壞順

陽工第取材瓦以建之包山為苑自栽木至設幄九日畢工因改為翠微宮正門北開曰雲霞門視朝殿各翠微殿寢殿名含風殿并為皇太子建別宮去臺

步足里餘正門西開名金華門內殿名喜安殿

列

崔仁師以帝幸翠微宮上清暑賦以諷上稱善賜張昌齡正觀末翠微宮成獻頌闕下召見試息

兵詔少選成文帝大悅

徐賢妃

會要云徐克容

正觀

會要

云二十二年

言翠微玉華宮雖因山藉水無築架之苦而

工力和儆不謂無煩有道之君以逸逸人無道之君以樂樂身 馬周帝幸翠微宮求勝地爲起第 一舊

紀正觀二十一年四月乙丑營太和宮於終南之上

改爲翠微宮

宮在麗山絕頂太宗選暑于此後爲寺

通監二十一年

五月戊子幸翠微宮庚辰上御翠微殿問侍臣曰朕才不逮古人而成功過之止由五事耳 太宗有秋

日翠微宮詩

唐九成宮 萬年宮



地理志鳳翔府麟游縣西五里有九成宮宮成增築二十七

本隋仁壽宮

開皇十三年二月丙子營十五年成三月丁亥幸

義寧元年廢

正觀五年復置更名永徽二年曰萬年宮

九月癸巳改通監戊

乾封二年

二月辛丑

復曰九成宮周垣千八百步并置

禁苑及府

一作武

庫宮寺等

紀太宗正觀六年三月

戊辰五月癸未八年三月庚辰十三年四月戊寅十

八年四月辛亥皆如九成宮

正觀六年四月己亥大

有泉湧出飲之可以愈疾秘書監檢校侍中魏證作醴泉銘碑在鳳翔

高宗永徽五年

三月戊午麟德元年二月癸卯如萬年宮總章元年

二月戊寅一年四月己酉咸亨元年四月庚午如九

成宮

會要永徽二年九月八日

通監  
戊戌

改九成宮爲

萬年宮乾封二年二月十日

辛丑

復爲九成宮三年四

月將作大匠闡立德造新殿成移仗御之謂侍臣曰朕性不宜熱所司頻奏請造此殿旣作之後深懼人勞今暑熱朕在屋下尚有流汗匠人暴露事亦可憫所以不令精妙意者祇避炎暑耳長孫無忌曰聖心每以恤民爲念天德如此臣等不勝幸甚五年三月幸萬年宮上謂太尉無忌曰此宮非直涼冷且去京不遠朕離此十年屋宇無多損壞昨者不易一椽一瓦便已可安乃親製萬年宮銘并序七百餘字羣臣

請刻石于永光門詔從之

集古錄萬年宮碑以永徽五年立

列傳竇

后太宗幸九成宮夢后若平生明日詔有司發倉賑

貧以爲后報 魏證帝幸九成宮吏改館宮御以舍

李靖王珪證曰靖珪皆腹心大臣 馬周上疏曰明

詔以二月幸九成宮太上皇春秋高宜朝夕視膳今

所幸官去京三百里而遠非能旦發暮至也上皇留

熱處而陛下走涼處溫清之道臣所未安 桃思廉

太宗幸九成宮思廉以爲離官游幸是秦皇漢武事

非堯舜禹湯所爲帝諭曰朕豈爲游賞者乎 姜確

正觀中爲少匠護作九成宮 薛仁貴永徽五年高

宗幸萬年宮水暴至仁貴大呼以警宮內

**百官志**

武德初改隋仁壽宮監曰九成宮監

一本云  
總監

**禮樂**

志高宗幸九成宮復奏破陣樂嘆曰不見此樂垂三

十年

**舊紀**

咸亨四年七月庚午九成宮太子新宮

成上召五品以上宴太子宮極歡而罷

**德宗紀**卽

位三年正月戊午罷九成宮貢立獸炭 王勃九成

宮頌局牖六合奔走八神**梯霄架極**考遺基於汶上

稽故典於淹中陽靈開避暑之宮景福制追涼之殿

洞龍對雷鐵鳳連薨浮丹麗紫棲霞冠月**禮讚**三宮

詩歌百堵

萬曆十六年

唐西宮

**會要**正觀二年八月上日視膳西宮公卿奏以宮中  
卑溼請立一閣上恐所費過露臺不許

**紀**開元四

年正月戊寅朔朝太上皇于西宮受朝正殿畢  
宗元年建子月戊戌冬至朝聖皇於西宮親朝上皇

肅

唐東宮

見諸官

唐未央宮

**實錄**太宗正觀七年十二月丙辰校獵少陵原戊午  
還宮從上皇置酒故漢未央宮三品以上咸侍上皇

命突厥頡利可汗起舞又命南蠻酋長馮智戴詠詩既而笑曰胡越一家古未有也太宗奉觴上壽曰今四夷入臣皆陛下教誨非臣智力所及昔漢高祖亦從太上皇置酒此官妄自矜大臣所不取也 太宗嘗

幸未央宮草中見一人帶刀遽引還顧謂太子縱遣之 中宗景龍二年十二月甲寅幸漢故未央宮舊基引從臣賜宴 會要寶曆二年五月神策軍於苑內古長安城中修漢未央宮獲白玉牀長六尺 柳公權傳從幸未央宮帝駐輦曰朕有一喜邊戍賜衣久不時今中春而衣已給當賀我以詩 按兩京記

隋文帝增修未央池會要寶曆二年修未央宮長安志武宗會昌元年因游畋至未央宮見其遺址詔葺之總三百四十九間作正殿曰通光黃圖未央有通光殿蓋采舊名東曰韶芳亭西曰凝思亭立端門其內門揭未央宮名命學士裴素撰記素重修漢未央宮記曰細草迎輦神飈引衣趙彥昭李又有和幸長安故城未央宮詩 呂大防圖以未央宮爲通光殿

唐飛山官 明德官

記太宗正觀十一年正月庚子作飛山官六月丁巳幸明德官在洛陽七月壬寅廢明德官之元圃院賜遭

水家高宗顯慶二年五月丙申幸明德宮。避暑。

會

**要**正觀十一年正月十四日新作飛山宮七月二十日廢明德宮及飛山宮之元圃院以分給遭水之家。**魏證傳**帝作飛山宮證上疏諫於是廢明德元圃院賜遭水者。

### 唐昭仁宮

**魏證傳**

太宗幸洛

政要云正觀十二年

次昭仁宮

政要諫錄云顯仁宮

多

所譴責證諫曰隋惟責不獻食或供奉不精而至於亡今正當兢懼戒約何令人悔爲不奢。

### 唐襄城宮 清暑宮



太宗紀正觀十四年八月庚午作襄城宮十五年三

月戊辰

會要七月

如襄城宮

會要

正觀十七年八月五

日營襄城宮

開立德傳

又會要

太宗幸洛陽詔立德

按爽塏建離宮清暑乃度地汝州西山控汝水睨廣

成澤號襄城宮役凡百九十萬雜費稱是宮成煩燠

不可居十五年三月九日

舊紀庚午

帝廢之以賜百姓

地理志臨汝有清暑宮在鳴臯山南正觀中置

唐玉華宮 玉華殿

太宗紀

正觀二十一年七月丙申

舊紀七月庚子通監同會要十二日

作玉華宮

開立德造

二十二年二月乙亥幸玉華宮

又二

年八月壬戌詔玉華宮制度務從菲薄更令卑陋二十二年三月丁亥詔曰卽潤疏墮憑巖建宇上無文績木不彫鏤鑿鋪首以荆扉變綺窻於甕牖

地理志玉華宮在坊州宜

君縣北四里鳳皇谷正觀二十年置永徽二年廢爲

玉華寺

舊紀九月癸巳廢爲寺會要九月三日元和志云寺內有肅成殿

會要正

門曰南風門殿曰玉華皇太子所居南風門東正門

曰嘉禮門殿名暉和殿正殿瓦覆餘皆葺之以茅意

在清潔務從儉約二十二年四月二十四日太宗以

頻造離宮終費人力謂侍從曰唐堯茅茨不剪以爲

盛德不知堯時無瓦瓦蓋桀紂爲之今朕架采椽於

椒風之日立茅茨於有瓦之時將爲節儉自當不謝

古者昔官室之廣大役人工以此再思不能無愧其

月徐充容上疏諫二十五年

一作二十年四月

御製玉華宮

銘詔令皇太子以下皆和正觀二十一年正月玉華

宮李木連理隔澗合枝

房元齡傳帝幸玉華宮詔

元齡居守

閻立德傳爲將作大監營翠微玉華二

宮擢工部尚書

藝文志藝術有閻立德畫玉華宮

圖

杜甫玉華宮詩有遺構絕壁之語

唐蘭昌宮

連昌宮

地理志河南福昌縣西十七里有蘭昌宮有隋故福

昌宮顯慶二年復置壽安縣西二十九里有連昌宮

顯慶三年置

元稹有詞

唐八閤宮 合璧宮

高宗紀顯慶五年五月辛丑作八閤宮

會要顯慶

五年四月八日

舊紀

於東都苑內造八閤涼宮

舊紀云八

閤宮

五月二十日改爲合璧宮

舊紀壬戌幸改

實錄龍朔元

年四月丁卯乾封元年三月甲申咸亨三年四月庚

午幸合璧宮

舊紀龍朔元年三月壬戌麟德元年二月丁酉咸亨三年四月戊寅上元二年

四月己亥並幸合璧宮

張文瓘傳乾封中造蓬萊上陽合璧

等宮帑廡浸虛文瓘諫

唐繡嶺宮 桃源宮 崎岫宮 蘭峰宮

地理志陝州峽石縣有繡嶺官顯慶三年置靈寶縣  
有桃源宮武德元年置河南永寧縣西五里有崎岫  
宮西二十三里有蘭峰宮皆顯慶三年置一明皇雜  
錄上幸東都至繡嶺宮

唐三內

地理志龍朔後皇帝常居大明宮謂之西內正宮神龍

元年曰太極宮隋太興宮也大明宮亦正宮在禁苑東南西

按宮城之東北隅曰東內本永安宮正觀八年置九  
年曰大明宮以備太上清暑高宗以風痺厭西內湫  
隘大興葺曰蓬萊宮咸亨元年曰含元宮長安元年

復曰大明宮興慶宮

離宮

在皇城東南距京城之東開

元初置十四年增廣之謂之南內一雍錄諸帝多居大明或遇大禮大事復在太極如高宗元宗五日一御太極亦有初卽位不於大明而於太極者知太極尊於大明也興慶雖夾城可潛達大明當爲離宮而已

唐太清宮

太微宮

洞霄宮

紫極宮

昇仙宮

紀高宗乾封元年二月乙未如亳州祠老子追

上混元皇帝睿宗景雲二年四月甲辰作混元皇帝

廟元宗開元二十九年正月丁酉立混元皇帝廟

天寶元年神仙道家之說興正月甲寅陳王府參軍

田同秀言混元皇帝降于丹鳳門

大明宮正門

通衢乃建

廟二年二月辛卯享混元皇帝于新廟甲午享于太

廟二年正月乙卯作昇仙宮丙辰加號混元皇帝爲

太聖祖三月壬子享于混元宮追號大聖祖父周上

御大夫敬曰先天太皇臯陶曰德明皇帝涼武昭王

曰興聖皇帝改西京混元宮曰太清宮東京曰太微

宮仍於天下諸郡爲紫極宮秋改譙郡紫極宮爲紫

微宮

九月辛酉譙郡紫微宮改爲

天寶八年閏六月丙寅謁太

清宮。加上混元皇帝號曰聖祖。大道混元皇帝。九載。

十月。太白山人王元翼言。混元皇帝降于寶僊洞。十

載。正月壬辰。朝獻太清宮。癸巳。朝享太廟。甲午。有事

於南郊。十三載。二月壬申。朝獻于太清宮。加上混元

皇帝號曰太聖祖。高上大道金闕混元天皇大帝。肅宗

至德二載。通化碑言。混元皇帝降。武宗會昌五年。九月。改修太微宮。十一月。畢。六年。十月。遣使薦獻。

禮樂志。天寶元年。因田同秀言。建混元廟。二月辛卯。

親享混元皇帝廟。甲午。親饗太廟。丙申。有事于南郊。

其後遂以爲故事。終唐之世。莫之能改也。初太清宮

成。太常卿韋縉製景雲九真紫極小長壽承天順天



樂六曲。地理志亳州真源縣有老子祠。天寶二年。

口太清宮。又有洞霄宮。先天太后祠也。舊紀天寶

二年改天下諸郡爲紫極宮。九月辛酉。譙郡紫微宮

改曰太清宮。長安志田同秀上言。混元皇帝降見

丹鳳門之通衢。以天下太平。聖壽無疆之言。傳於元

宗。仍告賜靈符。尹喜之故宅。上遣使就桃林縣函谷

關。令尹臺西得之。於是置廟於太寧坊。東都於積善

坊。取太白山白石爲真像。袞冕之服。當袞南向。元宗

肅宗真容侍立於左右。皆朱衣朝服。宮垣之內。連接

松竹。以像僊居。殿十二間。四柱。前後各兩階。東西各

側階一其宮正門曰瓊華東門曰九靈西門曰三清  
御齋院在宮之東公卿齋院在宮之西 宰相表興

元元年十二月己卯同平章事李勉加太清宮使盧  
翰加太微宮使 李庚西都賦薦祖建官混元之庭

霞帔雲冠飄飄太清天子將有事也歲豆時籩夏簋  
殷釶傳金爐之御烟開甲帳之琳琅此王者之示孝

也 杜甫朝獻太清宮賦

天寶十  
三載上

歷良辰而戒吉乘

與備乎冕裘甲子王以昧爽春寒薄而清浮虛闈闔  
逗蚩尤張猛馬出騰虬梢熒惑墮旄頭風伯扶道雷  
公挾輶通天台之雙闕警溟漲之十洲浩劫礪柯萬

仙鷲躡歛臻于長樂之舍巍入乎崑崙之丘太一奉  
引庖犧在右堯步舜趨禹馳湯驟斷紫雲而疎牆撫  
流沙而承霤仵神光而紺閭羅詭異以戢普地軸傾  
而融曳洞宮儼以崑崙九天之雲下垂四海之水皆  
立 馮宿撰太清宮鍾銘

朝獻太清宮 肅宗元年建子月巳酉代宗廣德二  
年二月癸酉德宗建中元年正月巳巳正元六年十  
一月戊辰九年十一月癸未憲宗元和二年正月巳  
丑穆宗長慶元年正月巳亥敬宗寶曆元年正月巳  
酉文宗太和三年十一月壬辰武宗會昌元年正月

已卯五年正月己酉宣宗太中元年正月壬子

唐神臺宮 瓊岳宮 金城宮

地理志華州鄭縣東北三里有神臺宮本隋普德宮  
咸亨三年更名華陰西十八里有瓊岳宮故隋華陰  
官顯慶三年更名華陰東十三里有隋金城宮武德  
三年廢顯慶三年復置鳳翔府蓋屋有隋宜壽宮元  
志隋宜壽宮在蓋屋  
縣東南三十二里

唐上陽宮 宿羽高山宮

地理志上陽宮在東都禁苑之東東接皇城之西南

隅

東京記在皇城西南東苑

二元中置

會要上

高宗之季常居以

聽政號州湖城有故隋上陽宮正觀初置咸亨元年

廢

隋志河南桃  
林有上陽宮

韋弘機傳高宗常言兩京我東西

宅然因隋宮室日什不全將更作奈財用何弘機言

臣任司農十年省常費三十萬緡以治宮室可不勞

而成帝大悅詔兼將作少府二官督營繕初造宿羽

高山等宮徙洛中橋於長夏門廢利涉橋人便之天

子乃登洛北絕岸延眺良久歎其美詔卽其地營宮

所謂上陽者

武后於上陽宮令術家撰方城等篇  
東京記韋弘機造上陽宮掘地得銅器

似益而淺中有隱起雙鯉之狀魚間有四篆  
字曰長宜子孫時人以爲李氏再興之符

六典

上陽宮在皇城之西南

南臨洛水西拒穀水東面卽  
皇城右掖門之南上元中營

造東面二門南曰提象門北曰星躔門提象門內曰

觀風門南曰浴日樓北曰七寶閣其內曰觀風殿其

西則有西上陽宮

兩京記云上陽宮西有西上陽宮

北曰化成院西

南曰甘露殿殿東雙曜亭又西曰麟趾殿東曰神和

亭西曰洞元堂觀風之西曰本枝院又西曰麗春殿

殿東曰含蓮亭西曰芙蓉亭又西曰宜男亭北曰芬

芳亭其內曰芬芳殿宮之南而曰僊洛門又西曰通

仙門其內曰甘湯院次北東上曰玉京門門內北曰

金闕門南曰太初門玉京之西曰客省院蔭殿翰林

院又西曰上陽宮宮西曰含露門玉京西北出曰僊

桃門又西曰壽昌門門北出曰元武門門內之東曰飛龍殿

會要儀鳳四年車駕入洛乃移御之上陽

宮神龍元年二月朝則天皇帝於上陽宮敕十日一朝侍御史盧懷謹諫

通監長安三年十一月丙申

宴突厥使於宿羽臺太子預焉

舊紀開元二十年

四月乙亥宴百官於上陽東洲

李庾東都賦上陽

別宮丹粉多狀鴛瓦鱗翠虹梁疊壯出地標圖臨池  
寫障霄倚霞連屹屹言言翼翼太和而聳觀側賓曜而  
䟽軒若蓬萊之眞侶瀛洲之列仙鸞駕鶴車往來中  
天賈登上陽宮賦沓雲宇而承天擎露蓋而洗日

謝觀上陽宮望幸賦宮闕崇崇縈帶洛河之上

唐紫桂宮 芳桂宮

高宗紀

調露元年五月戊戌作紫桂宮

於澠池之西

永隆

元年四月乙丑如紫桂宮

地理志河南府澠池縣

西五里有紫桂宮儀鳳二年置

會要作四年五月十九日

調露二

年曰避暑宮永淳元年

四月十五日

改曰芳桂宮弘道元

年廢

陝州陝縣有陝城宮

舊紀永淳元年四月戊

寅次紫桂宮二年五月庚寅幸芳桂宮至合璧宮

章弘機傳永淳中帝幸東都至芳桂宮名弘機檢校

園苑



唐奉天宮

舊紀永淳元年七月己亥紀造奉天宮於嵩山之陽

志在河南二年卽弘道元年正月甲午朔幸奉天宮紀同

一本云正月庚子至奉天宮十一月癸亥幸奉天宮會要永淳

元年七月造奉天宮於嵩山之陽弘道元年十二月

廢文明元年二月改爲嵩陽觀舊紀調露二年二月己未幸嵩陽觀又幸

道遙谷道士潘師正所居禮樂志永淳元年作奉天宮於嵩山

南遂幸焉將以明年封禪不克至武后遂登封焉

列傳韓爰諫廢王后貶死內外以言爲諱將二十年

帝造奉天宮御史李善感始上疏極言時人喜之謂

爲鳳鳴朝陽。潘師正居逍遙谷。高宗營奉天宮。敕直逍遙谷作門曰僊遊。北曰尋真。時太常獻新樂。帝更名祈仙望仙翹仙曲。王方翼高宗召議西域事。見奉天宮賜食具對熱海苦戰狀。

唐萬全泉宮

**高宗紀**永淳元年七月。

通監

作萬泉宮。

舊紀永淳元年七月巳亥

於藍田造萬全宮。

**會要**儀鳳三年正月七日於藍田作涼

宮。名萬全。

通監作泉

宮。弘道元年十二月七日廢。

**地理**

**志**京兆藍田永淳元年作萬全宮。弘道元年廢。

唐晉陽宮

唐曆十六年

三母卷五七

三

監生包埴刊

地理志

北都天授元年置神龍元年罷開元十一年

復置天寶元年曰北京上元二年罷肅宗元年復爲

北都晉陽宮在都之西北宮城周二千五百二十步

崇四丈八尺都城左汾右晉潛丘在中長四千三百

一十步廣三千一百二十二步周萬五千一百五十

三步其崇四丈汾東曰東城正觀十一年長史李勣

築而城之間有中城武后時築以合東城宮南有大

明城故宮城也宮城東有起義堂倉城中有受瑞壇

高祖使子元吉留守獲瑞石有文曰李淵萬古築壇

祠以少牢明皇御製晉陽宮詩有念成功懷經綸

之旬

見張說集

漢明暹回於南陽魏文殷勤於譙

國 宋有丹徒官齊有青溪官

唐汾陽宮

狄仁傑傳高宗幸汾陽宮

隋紀天業三年八月壬

寅詔營晉陽宮十一年三月己酉幸太原避暑汾陽官

唐三陽宮 興秦宮

武后紀久視元年一月戊寅復于神都作三陽宮四月戊申如三陽宮長安四年正月丁未作興秦宮四月丙子如興秦宮 會要聖曆三年十一月二十八

日造三陽官於嵩陽縣久視元年張說以車駕在三陽官不時還都上疏諫長安四年正月二十二日丁未毀三陽官取其材木造興泰官於壽安縣之萬安山左拾遺盧藏用諫不從地理志河南府登封有三陽官聖曆三年置壽安西南四十里萬安山有興泰官長安四年置韋安石傳武后幸興泰官議趨疾道安石曰此道版築所成非自然之固后爲回輦武三思傳建營三陽官於嵩山興泰官於萬壽山請武后歲臨幸元宗紀開元十年十月甲寅如興泰官獵于上宜川

唐通天宮 萬象神宮

見明堂類 舊紀神龍元年正月丙午中宗卽位於  
通天宮

唐銀潢宮

文苑英華魏元忠有侍宴銀潢宮詩

玉海卷第一百五十七